

民國九年六月二十一日發行

亞洲文明協會出版

民國八年二月創刊

(每月逢一出版)

時事旬刊

第十七期

第二年

本期目次

●國際消息

一至一八

▲和約問題

▲國際聯盟近訊

▲局部同盟與國際會合

▲世界外交之變局

▲附陸專使參與歐和會報告

●歐美事情

一九至三六

▲俄國方面

▲英國方面

▲意國方面

▲法國方面

▲德國方面

▲捷克方面

▲奧國方面

▲挪威方面

▲美國方面

●日本事情

三七至四六

▲議會開會前政府反對派之形勢

▲日本經濟大恐慌之近况

▲五月間日本對外貿易之一班

▲正貨漸增與物價漸低

●本國事情

四七至六〇

▲長沙失守與恢復湘防問題

▲唐熊戰爭之因果

●譯述

六一至六六

▲德意志共和國之研究

中華郵政特准掛號

民國九年六月二十一日發行

商 務 印 書 館 發 行

尚 志 學 會 叢 書
中 國 人 口 論 新 道 德 論 革 命 心 理

(一冊定價四角)
其書採取歐美學說及婚姻室家諸制度就中國人口的現狀作比較研究為改良之商榷誠為中國人羣進化之商針也

近 代 思 想
(二冊一元一角)

其書備述歐美近代十五家思想學說書中各分章節於近代思潮推致之迹循序開發能令讀者精神為之一新

上列七書業已出版倘有在館印中學者數種茲列其名稱於下
羣衆心理
法國黎即爾著

(一冊二角五分)
本書首述新舊道德之特色次柏拉圖關於國家之新道德及實業道德各界不可不讀

理 想 國
(二冊一元五角)
希臘哲學大家柏拉圖著全書用對語體甲論乙駁以發明政治產業教育藝術哲理等問題譯筆明暢為研究社會思想不可不讀之書

創 化 論
(二冊定價九角)
其書為柏格森原著張東蓀譯原書為北分四章為五國哲學家生理學家心理學家必備之書

德國密爾爾著
原理實用教育學
美國賀思爾著
實用主義
哲姆士著

(二冊定價九角)
是書分三篇一革命運動之心理的要素二法蘭西革命三現代革命主義之發展為法國黎明氏名著

生 物 之 世 界
(二冊一元三角)

是書為英國窪勒斯博士原著詳述關於動植物之各種事實及理論凡十餘萬言兼及達爾文所未闡明之生命原因等各根本問題為研究科學哲學者最良之參考書

潘加勒爾著
生物學的人生觀
赫特爾著

尚志學會啟

以上書價均係新定請注意

● 國際消息

任 予

一 和約問題

1 斯巴大會會議定期

英國務總理魯意喬治氏與法總理米爾蘭氏。前在福爾克斯通會議告終時。曾商定兩總揆應在斯巴大會開會之前。再行會商。茲據比利時京城八日電稱。該會議已定于七月五日舉行。開會之前。協約國各代表將在倫敦集議一次。法總揆擬於六月二十一日。在波洛業須爾美爾地方晤談。英喬治總理尙未切實贊成該日期。惟英法閣員。已定於七月二日在北京開斯巴大會之談話會云。按德近日政局大變。意大利復起政潮。該會七月五日之期。尙有變動與否。未可知也。

2 協約國不允德從緩減兵

據巴黎電訊。德政府于六月四日致牒協約國。謂目下未便依照和約。將陸軍減至十萬人。並要求應永置國軍民二十萬人。協約國軍事議會覆稱。桑里摩大會志在迫令德國履行約言。今未便背離協約國所定之態度。聞德現已按照和約。減為二十萬人。英相喬治近日在下院宣言。謂德國陸軍已減為二十萬人。而在中立區之德兵。亦已減為十營五隊一排。此等消息。尙未經協約國國際委員會團察實。但有確據證明前月間陸軍實係大加裁汰。德政府已下諭令解散凡未經批准之豫備隊。然現仍懇請准其保留武裝警察云。

3 土約近訊

六日君士坦丁電。協約國高等委員通告土政府。謂和會已許土國將審查媾和條件期限展長十四日。土約全文內。重要各款。為分割領土。代管軍隊。監督財政。執行稅則。擴張領事裁判權等。凡諸苛例。為奧布匈

約所未有。故我國對於土約簽字問題。詳經審慎。我外交當局。以中國並未與土宣戰。亦未發生其他衝突問題。自無簽字之必要。該約甚苛。與吾國主張亦不符。吾國已有之領事裁判權。正在爭廢。對於約中苛例。自未便贊同。且據顧使維鈞報告。南北美洲及其餘諸國均未參預土約。聞政府已決定不簽字。

二 國際聯盟近訊

1 國際聯盟理事會討論布黨攻波問題

俄布黨侵入波斯。節節進攻。近日英國軍隊。從波斯北部 *Perse* 撤退。布軍又攻入該地。波斯政府曾命外交大臣華魯士 *W. Wilson* 赴巴黎。請求國際聯盟理事會。考慮布軍在波斯取攻勢引起之時局。該會應其請。于十四日下午在倫敦開會。討論布黨侵波問題。代表波斯費魯士亦列席。聞是日討論。未有一致之決議。惟為波斯代表與聯盟會餘員之完全協和起見。允由波斯與法國代表在秘書長特魯芒爵士之前。另開會議。據當局宣稱。星期三日晨間。國際聯盟行政會。將在聖哲母宮開正式會議。討論波斯問題及西比利亞戰俘回國問題。波斯外交大臣將遵照聯盟約章。暫以會員資格列席。

2 國際聯盟會秘書廳成立

巴黎確電。國際聯盟今秋開會。聯盟會之秘書廳。業經成立。暫設在倫敦。第一任秘書長。為特勒門。特係英國人。業經到會辦事。吾國批准奧約。當然為起始會員。吾國亦應派員。出任聯合會秘書廳秘書。專使處。特電京。催派。聞當局已內定嚴鶴齡出任秘書。下月即將出發赴英。

3 國際聯盟會地址仍舊

國際聯盟會地址。原定在瑞士日來弗城。日前風傳協約國將提議改移瑞士政府深滋疑慮。駐瑞士法國大使奉本國政府訓令。于五日致牒瑞士政府。謂協約國並無將國際聯盟會自日來弗移往他處之議。

4 國際聯盟與美共和黨大會

芝加哥十日電云、共和黨全國大會現已承認參議員盧脫P. V. Root起草之國際聯盟案、爲一種調和時局糾紛之基礎、該草案內、有規定設立最高裁判所、以解決國際之紛爭云云、

5 萬國鐵路公約草案

巴黎和會組設交通股、協議國際交通事宜。近日該股已將萬國鐵路制度之公約擬就草案。據我國願使報告。該草案內容共分六項。(一) 規定萬國運輸聯絡辦法。(二) 規定商品運輸統一辦法。(三) 規定車票直接及車輛互用辦法。(四) 規定萬國運輸平等待遇辦法。(五) 規定與會各國互守平等主義辦法。(六) 規定與會各國對於第四條解釋不同辦法。以上各項均附有詳細說明。現由與會各國委員抄錄副本、寄呈本國政府請示云、

二 局部同盟與國際會合

1 英日同盟繼續問題

英日同盟繼續問題、英國輿論本分贊成反對兩派。近一星期以來。續約說忽佔優勝。英晨郵報論該問題。略謂日本銳意進取而無眼光之黨。其近來所行之政策。似成於謀取中國讓與權之一念。此已無可諱言。日本欲得中國讓與權。易言之。即欲得經濟的優勢之地位。此乃英美兩國所未能無言者也。英日間因應繼續有一種關係。英國不願廢棄其舊友。而日本亦願以英國爲與國。但吾人在華。不可不有開放之門戶也。日人勝田主計氏。乃日本上議院議員。曾任大藏省大臣。頃語晚旗報訪員。主張英日續盟。並增固盟約力量。謂日本極欽佩英人統治帝國之才。英國在遠東欲得開放門戶。以營商業。而日本確能使門戶開放。以省英國維持艦隊之巨費。至於日本財力不足之說。乃德人傳佈之謠言。日本實無可抱悲觀之理由。英日可彼此互助。以

解決實業上難題。過激主義徐徐浸入日本。但日本工人與英國工人同。不爲此主義所惑。將來如世界有須與無政府主義奮鬪之一日。英國將見日本爲有用而願效力之與國也。日本發展造船業。亦與英國有益。盟約極有商務上關係。日本現爲原料所困。希望英日盟約可使日本獲原料於英帝國云。

英國近日輿論。對於我國希望刪除保全領土開放門戶各字句。有微露不能容納之意。其理由。謂中國南北統一無期。凡舊約中關於中國條款。仍有繼續保留之必要。至此次所應修改者。不外因戰爭影響及與國際聯盟規約有衝突之各點。及原約第四條。關於公共公斷規定。因從來并未實行。亦擬從事改訂。又日本方面。以本國原料缺乏。希望英政府將接濟原料一節。加入盟約。諸點而已。

英首相魯意喬治近日在下院答覆馬龍 (Maurice Cecil L. Esstrange Malone) 之質問。亦謂一九零五年及一九一一年之英日同盟。未得中國同意。而損害中國土地之安全。殆非事實。並謂包括國際聯盟之奧約。中國現時尙未批准。本月十日。該氏復在下院答辯英日問題如下。(一) 英國政府。關於日英同盟之更新。雖接有中國政府之節略。然目下尙非公表之時期。(二) 一千九百零五年及一千九百十一年之日英同盟。未曾經中國政府之承諾。然亦並未侵害中國之保全。(三) 英國政府當嚴守聯盟規約第十八條。查國際公法。各國國家。有一種自爲尊重主權及榮譽之權。倘英日繼續同盟。關於中國之項。謂聯盟國應保證中國之獨立及安全。及各國在華之工業商業機會均等主義。以維持各國在華之公共利益等文句。依然不改。是顯係侮辱我國國家之尊嚴。直接侵害我國國家之國際地位。我國民甯能忍受。乃英贊成續約。所修者。僅觀於聯盟規約。對於我國條件。竟不容納。且以我南北統一無期爲口實。一若我永不能統一。須藉保護者。然未免太蔑視矣。美大陸報對於我國宣言之發表。認爲中國政府的新覺悟。謂英日續盟。中國應有與聞之權。茲介紹之於次。

中美新聞社譯大陸報社論云。關於英日同盟續訂問題。反對之輿論。逐漸發展。各方面眼光銳利消息靈通之觀察家。皆奮袂而起。昌言日本之政府。乃一侏儒。為彼在皇室內閣及國會背後之軍閥持諸掌中而舞。此種言論。一經紛紛出口。英國政府欲續訂同盟。乃益覺困難。試觀日本之重要日報及雜誌。對於漢蘭德氏所批評東京政府之辭。亦不能不認為確鑿。其實各報希望續盟之切。亦正與其政府等耳。即如朝日新聞。慮續盟之舉。將因其政府之為軍閥的政府而失敗。則轉其兵鋒以攻政府。要求澈底改造。使外務省所代表之真正國家政策。得以顯示於世界。該報並稱東京政府為武力主義之肉身。又亞細亞傳宣報謂。日本之自由主義。尚未達到有原則之地位。英則自漢蘭德氏之議論發表後。倫敦中國協會會長於六月二日年會中。請英政府注意於僑華英人之陳述。謂英日同盟之精神及文字。日本在山東未嘗遵守之云。至英政府之態度。觀於兩路透電訊。可見一斑。其一係倫敦三日所發。謂遠東德國勢力既經消滅。同盟條件。勢須修正。而為時已促。不及談判。預期須將現約展長一年云。又外交次官哈姆斯完士氏在下議院中答復議員之問。謂續訂一層。現在考慮中。但決斷之時間尚未到云。按在日本方面。其報紙與外交家。自去年春季以來。即鼓吹續訂同盟。然未能動英政府之聽。直至現在。則時限迫促。(七月十三日滿期)不及談判矣。漢吾人觀察。英政府殊不欲於此時續盟。蓋戰前之一切同盟根據。今皆已消滅。德俄兩國勢力。現均不存在。而中國亦未嘗得此盟約之保護。以抗日本之侵略。其實英國不與日本同盟。未嘗不能予中國以贊助。一與日本締約。則反為束縛。而不能動矣。總之英日同盟。絕無續訂之理。而應取消之理則甚多。且甚重要也。此等重要之理由中。如澳洲坎拿大及美國之共同態度。即其一端。雖種族不同。要應加以考慮。而猶關重要。猶耐尋味者。則中國政府之新覺悟態度是已。北京外交部已發表一宣言。稱中國為國際聯盟之一員。故聯盟中之他員間。如締關涉中國事情之約。若非先取得中國之允許。則不能成立。國際聯盟約章之第十條。足為中國領土完全之充分保障云云。斯言也。英日一國將如何答復之歟。

其六月五日北京通訊云。

中國對於英日繼續同盟一事。所取之態度。旅華外人當無不表示同情。凡研究遠東時務者。亦必不漠視其宣言之重要。然中政府之宣言。決不立時發生效力。而英日兩方面。對於同盟條約之將來。似亦未必能立即決定。按照條約之規定。則雙方可於下月十三日通告一年而後。此約即行取消。或磋商續訂。然據倫敦及各地消息。則知兩國目下均不願有切實之行動。或將取延宕政策。以待決定之機會。亦

或任其自行消滅。而以慎重之外交手段宣告取消。蓋今之寓居遠東者。似皆以同盟之存在。為不復能有益於兩方。故殊無繼續之必要也。然而中國則已發表宣言矣。夫英日若續訂盟約。或加以修正。則其所注意者。惟有中國與西伯利亞。而以中國尤為重要。故中國已有通告。謂任何條約。其影響及於中國之地位及前途者。中國有參與決定之權。此即外交部致英使館通告之要點也。換言之。則中國聲明其為一完整之國家耳。五十年來。列強每訂立關於中國之密約。劃定勢力範圍。且保障中國之領土完全。而中國坐視各國之處分。一若處於旁觀之地位者。然須知領土完全之保障。每經以直接侵害中國獨立之行動。而使中國夷為附庸。若中國一讀列強所訂之條約。則惟有新大默佑而已。夫與此項條約最有關係者。當莫如中國。中國亦以其最有關係而要求發言焉。向使列強而果尊重中國之主權。則必允其請。蓋一國之地位。若任人決定。而不與之商議。則必非自主之國家。而為國際所公有。然而中國尚未至此。亦不承認也。夫中國於此。非僅為自尊而已。且恐開一先例。蓋英日兩國。既於今日訂約。保障中國領土之完全。則試問十年二十年後。德俄或俄日訂約。以瓜分中國之領土。而以中國為其保護國。中國又將何以拒之。故其惟一安全之法。莫如聲明不受未經預聞之條約之束縛。今試以門戶開放言之。若英日兩國保證維持中國之門戶開放。則試問中國果有權以詢問其影響於自身者何若乎。門戶開放之義。豈即如今日之南滿山東乎。或更以日本在中國之特別地位言之。日本欲人之承認其特別地位。遠過於英國海軍之助。豈中國於在其國土上指定特別地位以前。遂無權發言乎。預料國際事務或將一變。蓋日本專權壟斷。使他國皆惟命是聽。或且從而攘奪其權。而於他國無損者尤甚。或更取得於中國自由行動之權。而建立一保護國。試問中國將默許其國家被人作為孤注手。是故中國最近之宣言。無論其外交行動之或成或敗。終不失為巧點也。倘英日承認其就商之權。則已取得一極重要之新地位。而可與列強處於同等之地位。並為一自主國家。與他國平等往來。若英日而反對中國有預聞之權。則彼等不啻公然表示其無誠意。且使中國可以起訴於人。而有所藉口以自衛。此決非英國所願為。其眼光亦不致如是淺近也。是則無論如何。中國必有所得耳。

究之英日同盟。在今日實無繼續之必要。蓋國際聯盟。近始成立。吾人應力為維持。使之增長發育。以維世界之和平。仍認有小聯盟。則國際聯盟將因之破裂。英日聯盟在防制德俄勢力。現德俄兩國。均不暇自保。同盟根據。已不存在。且日本乘歐戰中列強不及東顧。擴張在中國之勢力。各種侵略政策。進行不遺餘力。英復與

之續盟。則假盟約以牽制英。其對華侵略之野心必更甚。且足惹起他國之反動。美報主張取消。實不能不謂為旁觀者明也。

英日盟約。據最近電訊。刻下尙未開談判。其原因。一爲近東問題繁雜。英日外相尙無暇研究遠東事件。二須俟自治屬地會議後。英政府方有依據。但英國政界口氣。以英日盟約若不延長。恐日與德俄接近。則世界和平。更多障礙。故贊成有條件之繼續。但附以限制日本侵略中國之條文云。

2 日墨同盟之醞釀

日本之移民政策。最近着着進行。風傳日政府對於墨西哥新政府。曾供給軍械等情事。且將有日墨同盟之締結。此項消息傳出後。美國方面。極爲注意。據紐約一日來電。美上院外交委員會。近勸各美國政府。以墨西哥新政府。苟不能對美人表示組織鞏固政府之意思及其能力。或對於美人不能表示較前倍加親善之態度。則應以武力干涉之。且要求墨國憲法第二十七條所載禁止外國之煤油採掘權之規定。不適用於美人云。又該會更述云。據外間風傳。格蘭查政府有受自日本軍需品工場用原料之供給。同時要求與日本訂立密切之同盟者。本會以爲日墨通商條約。聞已成立。至於同盟之計畫。尙不信果有此舉。雖然。據本會調查。則日本人攜帶家屬居住墨國者。實達八千人以上。又定購百萬畝科之土地。以備日本殖民地之用。每逢星期一輪船到埠。皆有日本人自沙力奈克爾朱港登岸。一（墨西哥南部臨太平洋）以此立見日本移民之數。逐漸增加。事實上日本人儼然已支配安特卑優安特巴族克海峽之商權。該委員會。又稱墨西哥海岸。盛行排斥中國人之運動。此種運動頗有料爲日本人所煽惑者。該會又謂墨西哥許可松本商事會社。在叨麥箭兩岸。開掘全部煤油田之權。該會社代表二人。因欲購買本屬西班牙會社支配之油井。正向拍拉厄朱地方。從事測量。關於丹姆卑哥丹克巴姆兩市間之鐵路建築。日本會社亦將投資云。

3 國際財政大會

國際財政會議、定期在北京開會、曾由國際聯盟行政部、邀請各國派員加入、茲據美京確電、美政府因和約未經批准、決定不派正式代表、惟為交換國際財政及經濟之意見起見、臨時由財政部委員、以非正式代表名義、前往列席、業將此旨通知國際聯盟會云云、

4 瑞士紅十字會之新計畫

瑞士紅十字會會長烏爾生氏、以此次大戰、戰爭中紅十字之救護事業、多有於日來弗陸戰救護條約及海戰救護條約之外、或為日來弗陸戰救護條約、并海戰救護條約所限制者、諸多不便之處、故十字會於實行救護上、於此等處甚多困難、擬聯合各國、重行修改、以求完備、刻正與英法美各十字會接洽、俟就緒之後、即由瑞士日英美發起召集各國重訂新約云云、

5 第十次之萬國棉業大會

據瑞士京城電、第十次萬國棉業大會、已于六月九日在蘇里克開會、至十一日閉會、此為戰後第一次會議、與會者共有十五國代表、日本印度亦在內、所討論之主張問題、為匯兌問題、以科學之探求扶助棉業、設立國際棉業公斷所、並議決懇請各國、凡撥抗辦社會幸福事業之經費、均免納捐稅、

6 第三國際社會黨定期會議

莫斯科三日電、第三國際社會黨第二次會議、定於七月十五日、在莫斯科召集、現已由理事部發出宣言、通告各處共產黨、工團女子共產黨、青年共產同盟會、及以共產為黨義之工黨、請求與會云、

四 世界外交之變局

1 俄國通商問題

(一) 英政府之主張

對俄通商。英相主張甚力。據倫敦電訊。英首相魯意喬治。因與勞農政府代表克瓦先會議。外間有所非議。特發表意見。謂此次決定。與俄通商。乃事前當克里米素執政時。業已協定。當時各協約國代表。亦皆以與俄通商為宜。各協約國所以採此種政策。蓋以俄國從前反對布黨之人。被布黨驅逐出境後。而對於此種與俄通商之策。亦表同情也。故日前聖爾姆之總理會議。亦議決應從速與俄代表克瓦先討論恢復通商之善法。因此種議決。故今日與俄討論通商。而欲因此以利用其所儲貨物。實得各協約國之同意。日前波蘭言烏克蘭西比利亞兩地。可以輸出之麥。其量甚多。然予一人意見。俄國之米油麻木及其他重要物品。誠有足為吾人利用。在被持反對之論者。以吾人未承認勞農政府。或以勞農政府之暴戾為理由。因而反對與彼通商。不知吾人昔日曾不承認墨西哥政府。而依然繼續與彼國通商。今日土耳其大殺阿爾尼亞人。而吾人今尚不與之停止貿易。謂吾人對於一種國民。須先贊成其風俗制度。與其行為。然後方能與之貿易者。此實可謂一種新發明之主義矣。持此論者。僅拘於一孔。而未徧察其全體。坐井觀天。其愚實不可及。吾人今日若不能將世界恢復舊觀。則瞻望前途。實不寒而慄。吾意今日若不與俄國通商。只有視布黨為惡魔。盡殺毋遺之一法。然此法非他。不外將布黨之能力及人口。盡付之一殺。以此次大戰。所耗數千萬人口之不足。而又益之以數千萬耳。此種辦法。吾人將欲行之否耶。

聞英財政部決議。非承認勞農政府。則勞農政府所儲之金貨問題。不能解決。近日勞農政府已電克瓦先。允許釋放英國俘囚。英政府現已着手與勞農政府訂立郵政條約。并擬認可俄政府于倫敦設立中立通商局。英俄意見近日之益接近。可於此見之矣。

(二) 法反對英俄開始通商

法國對於英俄開始通商交涉。頗為不滿。已決定要求勞農政府將移交聯合國之金塊。引渡於法國。以抵抗一級以金貨為基礎而與勞農政府開始通商之劃策。法國所持之理由。謂目下之俄國。非但毫無輸出之能力。且一切交通機關。及購買組合。悉在勞農派管理之下。則與勞農俄國開始通商。不啻承認勞農政府。况與俄開始通商之最有利益者。僅英美二國而已。法國不與焉。而目下克拉西氏所持屬於俄國中央銀行所管理之一千萬元金塊。聞將以之向英國購買鐵路材料。與機關車。此事果為事實。則勞農派得之。與其謂為以之運送物產。無寧謂為以之充當軍用。是其結果猶之助俄國以軍力。益使混亂世界也。至此項金塊。既為俄國中央銀行之物。為俄國金融制度

之基礎則法國以爲於俄國有債權之關係自不願其分散况此項金塊之所有權原屬諸舊俄政府以之償還法國之債務實爲正當辦法也。

(二)——法國明示對俄之方策——

法總理密爾倫氏致電其駐英大使令其勿參加克拉西氏之會議近更發出訓電明示對俄之方策如下

(一)不與勞農派代表爲一切政治的談判(二)不承認勞農政府(三)不加入於分散俄國銀行籌備金等之通商協議

(四)——聯合國對俄通商問題近日之趨勢——

聯合國方面近對於俄國通商問題因俄國主張以金塊交易故未見有何發展現已決定對俄通商之基礎爲以物換物將由英俄兩國之間設立委員會先與現在英國之克瓦先氏接洽然後再派委員赴俄調查俄國所貯藏之穀物及芋麻而對於希望與俄國貿易之商人則取介紹之勞云。

美國議院關於美俄通商再開問題行將派遣委員從事調查惟對於美國商業會議所以特派員赴俄爲非公式的調查向政府請求旅行券則嚴爲拒絕據一般之觀察謂美政府之對俄態度至今未變

挪威國會已通過從速與俄恢復通商之案當時投票反對此案者僅有六人

倫敦十五日電云據稱比利時與日本兩政府決定聯合英國與俄勞農政府代表克瓦先氏談判云

2 歐俄近訊

(一)——勞農政府取消外債——

倫敦十五日電云倫敦太晤士報云俄國代表克瓦先通告英政府云俄國勞農政府否認前俄國各政府訂借各款之債務又云倘有迫令勞農政府承認債務則勞農政府當要求履行凡與協約國商定如俄國佔領君士旦丁等約云云

(二)——意法英社會黨聯袂到俄——

莫斯科十日電云意大利工黨委員偕同巴黎之第三國際社會黨會員及英國社會黨代表已到彼得格勒極受歡迎與彼等同時到者

有意大利之學術團內有工程師等擬親到俄國各工廠參觀、聞意大利各委員、係社會黨工團協助組合所派、凡十四名。此次來俄、係欲與俄恢復貿易。據委員額拉迪(Harati)言、近日意大利社會主義之運動、大有一日千里之勢、布爾塞維克主義之在該地、異常繁殖、列寧聲名之揚溢、出乎加里巴迪(Garibaldi)之上云。

倫敦十二日電、英國勞動界派赴俄國之委員、現已有報告到英、略謂列國今日對俄之封鎖政策及干涉政策、實最有害於俄人、蓋俄國城市居人、因此深受飢寒之苦、而因消毒藥品缺乏之故、瘟疫盛行、勞農政府自擊敗特尼金高爾哲(Тенин)後、對於改革事業、極力進行、成效大著、但謂彼自與波蘭從事戰爭之後、此種改革、遂停止進行、如戰爭繼續、俄國今日之慘狀、當依然不變、該報告主張完全解除對於俄國之封鎖及停止干涉、俄國並以無條件而承認勞農政府、謂勞農政府其地位現已鞏固、且常欲與各國議和、而奮力於經濟之改革云。

(二)——歐洲戰費的確數——

此次歐戰、交戰國損失之鉅、為前次戰爭所未有。據倫敦電、英國銀行家葛蘭姆氏、在銀行會社演說、歐戰經費、按英金計算其實數如下、英國二十五萬萬磅、法國五十四萬五千萬磅、意國十九萬萬磅、比國五萬萬磅、德國八十七萬萬磅、上列之戰費、等於英國財產百分之十二、零七、而法國則為百分之二十五、意國則為百分之二十、德國則為百分之二十六、又云英國財力之稍減、可以其領地之增加相抵、概算英國全部現有之財產、計英金四百四十億八千萬磅、而一九一零、只有二百四十九億八千八百萬磅、查本年分之進款、計七十六億五千萬磅、而一九一零年、只有三十三億三千萬磅云云。

3 我國與日俄近日之新交涉

(一)——我與俄有訂立非正式的關係說——

哈爾濱九日電云某日報載俄人所辦通信社、日俄斯塔電報、謂此間中國當局、接張作霖訓令、為利使中俄兩國交際起見、當俄政府尚未承認之際、已應允與職業聯合會及各社會的團體政治的團體、訂立一種非正式的關係、惟吉林政府對於此種消息、已正式否認。

(二)——俄侵我中東路權——

齊齊哈爾電。日俄近日商組緩衝國。俄已對日聲明。願以色棟格河以東。作為緩衝地域。并將中東路用地。劃歸在內。此舉妨礙我國主權。黑省當局。業經據情轉報政府。請速核議應付方法。

駐京法國公使柏卜。以中東鐵路。自經我國籌備接收後。對於路政。迄今未能積極進行。實事整頓。而沿路土匪。又大肆騷擾。致該路最近之營業。較前損色。因特用法國股東名義。要求中央。於宋小濂督辦未出京前。在京召開股東會議。討論該路之善後及整頓之辦法。又聞俄國舊黨。以中東鐵路五站。各處土匪猖起。肆意劫掠。毋至一站。路警不能剿捕。如入無人之境。為詞。特向我政府。要求將該路警權。仍歸俄人。以便實行剿捕。聞我政府已嚴詞拒絕。並飭該路設法防範云。

(三)——日軍扣留我國泊俄的軍艦——

日軍佔領廟街後。以我國砲艦。有助激黨擊日軍之嫌疑。決予扣留查辦。茲據黑龍江訊。停泊廟街之江亨利利三艦。均被日軍實行扣留。同時江亨艦長陳世英。利綏艦長吳廷光。利捷艦長林培熙。及其他艦員等。亦被派兵監視。黑龍江防司令上崇文。得此消息。以上述三艦。自上年停泊廟街。對於日俄戰事。向係嚴守中立。故各艦所存彈藥。核諸原發數量。并不減少。此實可以證明未經參與戰事。業將此旨函致日軍司令部。詳細解釋。一面並電中央。報告事實真相。

政府接此報告後。深為憤慨。以該軍艦駐泊廟街。為日已久。確守中立。從未為一鎗一彈之射擊。何得謂華艦砲擊日軍。況當日軍與布黨衝突之際。中國砲艦亦曾受布黨之射擊。更何得謂華艦幫助布黨攻擊日軍。乃日本竟以此而扣留華艦。實為逸出範圍之舉。故已令海軍部彙集關於此案之各種文件。並近日調查之實情。以便發表正式公文。向各國聲明。以明真相。一方則向日本提出抗議。又聞此案頗惹中外注目。前日起。廟街至海參威電報。聞已不通云。

按江亨砲艦。係由日本川崎造船廠所建造。載重五百五十噸。備砲四門。指揮官陳世英中佐。艦員約九十名。利捷利綏二艦。則為德國派遣于楊子江之軍艦。因我參戰而被沒收。利捷容一百六十噸。備砲二門。指揮官林培熙少佐。艦員約五十名。利綏容一百二十噸。備砲一門。指揮官吳廷光中佐。艦員約五十名。該各艦于上年欲溯黑龍江。航行于松花江。因阿木斯克政府反對未果。停泊尼古拉扶斯克港。此次日軍疑其援助過激黨。竟扣留之。

4 日俄戰爭前後

(一)——日俄提出議和之條件——

海參崴消息、赤塔方面、自日大井司令發表宣言後、上烏金斯克政府代表、已與日本停戰委員長黑澤大佐開始議和、茲將雙方提出之條件分列如下、

▲俄國提出條件、(一)肅清赤塔斯利手斯克來烏穆斯克、(二)解除謝米諾夫軍武裝、(三)恢復鐵路之秩序、

▲日本提出條件、(一)戰爭以來日軍所受損失、由俄國賠償三分之一、(二)各地日僑之損傷、由俄政府担任賠償、(三)俄政府所有利權、應由日本共同分配、(四)自停戰後、雙方不得無故啓釁、

以上各條、雙方協議多次、尚無解決確訊、惟據一般觀測、日俄關係、現已由軍事問題、一變而有外交問題、而日本對俄、且由領土政策、一變而為經濟的政策、雙方意見、漸趨一致、當不至再有戰事發生云云、

但另據政府方面消息、海蘭泡稽留事、於日(十日)拍來急電一則、原文略謂、頃據烏金得面告、薩拜哈爾、應已停戰、惟西伯方面日俄軍隊復生衝突云、

(二)——遠東共和國外長之意見——

遠東共和國外交總長、克氏、告某外報記者云、吾儕因備聯合各黨服從政府、日本軍官曷不爲之、吾儕要求日人開誠布公、維持前線之和平、變所有鐵道為中立性質、日本軍官威率士卒、不得干預吾儕之內爭、

吾儕軍隊從未與日軍開戰、然與謝米諾夫之黨羽、亦決不媾和、東貝加爾之林中、有大隊農人、寧死不從謝米諾夫之虐政、

日本宜解散謝氏之武裝、或使鐵道守中立、聽人民組織地方政府、則和平秩序、立時恢復、余竭力使斯里坦斯克及卡巴維夫斯克前線休戰、合各地方政府、成一中央政府云、

(三)——日本不援謝之條件——

哈爾濱八日電云、據赤塔半官場消息、非尼烏典斯克政府、請日本令謝米諾夫、將哥薩克兵退出鐵路地域、並自退出赤塔、將該鐵路交

與俄政府、日人以不干涉俄內政爲理由、對於此種請求、業已拒絕、但日本雖措詞如此、然若謝米諾夫一旦軍事失手、至日人因此不能達其私利之際、則日人今日亦不能斷言其不予以援助也、謝米諾夫撤兵之事件、與西比利亞有重大關係、蓋謝氏若依然任其盡據鐵路地域、則海參威政府與非尼烏奧斯克政府、不能交通、而西比利亞之建設事業、無由進行、

(四)——協約國將提出日俄交戰損失賠償之要求——

日俄兩國、近既停戰議和、協約各國趁此時機、提議討論日俄交戰時各處所受之損失、以便要求賠償、聞其議定之辦法、(一)各國自行調查後、然後彙集提出要求、(二)提出時期、在日俄未和議以前、(三)賠償會議所需各費、由各國公認、

(五)——我政府對於日俄議和尙未定出方針——

政府昨電令黑省當局、轉飭張斯慶、務將上烏金斯克政府、與日本議約詳情、隨時探報、如至適當時機、准由該委員與俄政府爲非正式之接洽、協議一切、同時並密電范其光調查海參威臨時政府、與上烏金斯克政府交換意見之經過情形、俟張范查覆到京、再定應付方針、

5 波斯與中俄近日之關係

(一)——撤除領事裁判權明定于中波通好條約——

波斯與中國訂立通好條約、由駐意上廣圻與波斯國代表伊薩剛、商訂、吾國主張撤除領事裁判權一條、及兩國各因服從所在國法律一條、用明文加入條約中、經雙方磋商結果、聞已悉照我國主張、明文規定、業於本月一日、在意京簽字、吾國對外撤除領事裁判權之聲明、實以此爲嚆矢、

(二)——波斯激黨逼迫德領事自戕——

七日倫敦電 聞波斯民主黨於六月四日包圍太白里士之德領事署、要求交出避匿德領事署之波斯過激黨、德領事不允、且以機關鎗轟擊羣衆、於是民主黨乃曳砲一尊、逼該領事開談判、旋傳該領事自戕殞命、其繼任者尙未交出避匿署中諸人、

(三)——波斯時局危急——

倫敦八日電云據泰晤士報駐達賴林 (Lhasa) 訪員報告英國軍隊已從爾賴撤退、因之布黨軍隊約三百人即攻入該地云、倫敦十四日電云、波斯外交部長費拉斯氏、告路透社云、波斯時局、可謂危急矣、布黨軍隊、又向盧特附近前進、過布黨在俄屬西域、已組成一隊、以攻波斯阿富汗、波斯政府現不抵抗布黨軍兵進前、以免流血云、

6 俄與波蘭戰爭之近況

(一)——波軍節節進攻——

五日瓦沙電 此間發表公報云、波蘭軍復取攻勢、擊破特維拉河與波里索夫間之敵軍陣線、前進三十基羅邁當、並逐退基夫西南五十里比亞洛塞基夫方面之紅軍、烏克蘭軍已在哇拉桑加河陣線前進。

五日華沙電 此間發表公報如下、波蘭軍沿全陣線大獲勝利、右翼之波蘭軍、現正緊逼敗退之敵軍、普爾蘇特斯基上將現指揮尼汨河與尼斯特河間之戰事、過激軍騎隊攻擊波蘭軍陣線者、已被擊潰、敵兵一師、完全敗走、又騎兵一旅、置械投降、大局頗佳。

七日瓦沙電 今日此間發表公報云、波蘭軍在特維拉復與波里索夫間所取之反攻勢、發展甚為順利、敵軍紛亂敗退、委棄俘虜與戰品甚夥、敵軍脫逃漸多、敵軍攻擊基夫橋端砲臺、大受懲創。

(二)——波軍退出畿輔——

瓦薩十四日電云、據公式布告、波蘭軍遵照命令、枝隊退出畿輔、先將特尼阿河之橋梁拆毀、其撤退之行動、極有秩序、敵兵攻波蘭軍之後衛隊、業經禦退、反受重大損失、又據倫敦電云、按布黨無線電報告、波蘭軍退出畿輔之先、毀城內各重要地方、如教堂鐵路橋梁、及水道等、波蘭兵之撤退、實因布黨威嚇將截斷去路云云、

(三)——英工界委員助俄攻波——

倫敦十五日電云、今日莫斯科電報、謂英國工界赴俄委員、親至赤軍、加入戰爭、在斯馬倫斯克 Smolensk 附近、攻伐波蘭、按此種電報到後、前日所傳勞農政府顛覆之消息、更可證明其不確、

五 附陸專使參與歐和會報告

六日下午爲通知對德和約草案召集協約各國大會，祥偕王專使列席，所提對德和約草案關於中國山東問題條文，竟與三日所探得者並無增損，祥因當衆宣言謂中國代表團對於三國會議所擬關於膠州及山東問題辦法，有不能不表示其深切失望之情，此次所定對德和約草案關於德人在山東省權利之條款，爲本代表團所聞者，本代表團深信各種辦法實爲中國全體人民所失望，所擬規定似未顧及法律公道及中國之安寧，爲中國代表團在五國及三國會議時所迭次堅持不已者，現在中國代表團業向三國會議提有正式抗議，反對其所擬之辦法，深望得以修正，倘竟不能如願，則自今以往本代表團對於此項條款實有不能不保留之義務，並請將聲明各節列入記事錄云云，會長當即允爲照列，十日祥偕施專使往晤英外部，語以膠州問題自經三國會議決定辦法後，全國輿情非常憤烈，近接北京來電，且有激烈舉動，政府實萬分困難，前貴總長屢有對於中國極願幫忙之言，我國甚爲看重，現擬請貴總長答復前函，俟復到後，擬在國內宣布，俾國人稍知內容，彼稱來函情形，我曾閱過，但如欲宣布則應將來函先再核閱，同時即將某專員召來，施使稱我正携有函稿，立即送交，彼展閱一過，先稱大致均無不合，再閱一過，乃稱其中某句不甚了了，施使爲之述明緣由，旋又閱一過，稱大致確係如此，但照所記錄之口氣，以爲三國會議指令日本施行一切，殊於日本面子不宜，施使又將日本所允交還青島亦早撤兵及不侵犯開放門戶主義等情，爲該外部一日所面告，而昨日送來之日本代表宣布文稿中，未有叙及重向詢問，是否屬實，彼稱此誠確實，祥等乃請將彼所謂不甚了了之句刪去，而將其他各節宣布，彼乃稱容與某專員接洽再覆。

十五日接英外部復函，措詞非常含混，但於日本膠州租地連同完全主權交還中國一節，語尚切實，並有深盼中日兩國有識者均以此政策爲然等語，二十二日，王施兩使往晤英專員，談及山東問題，彼謂此事關係極大，此項和約，爲協商及共事各國對於敵國之約，不但無簽字之理，抑亦無保留辦法，施使稱保留辦法，國民尙不以爲然，本使意就商尊見，有無別法，較保留更進一層，方爲妥當，彼稱此事關係重大，須經公法家格致斟酌，但是否能行，殊不敢必，施使稱我國對於德國交出一層，原不反對，惟交於日本，實爲反對，此種辦法，公道何在，彼又稍稍辯解而散，二十六日祥又往晤法外部畢，告以接奉政府訓令，關於和約所載山東條款，非保留不能簽字，即將十五日電譯述大概，並告以擬即致函會長等情，彼稱各國如何辦法，本可自由，請將譯稿交我，即當照轉各國全權接洽，但中國如開保留之例，義國於飛鳥姆問題，亦願保留，此下各國不滿意者甚多，倘使紛紛援例辦理，豈非和約將不完全乎，祥謂中國政府及代表團於協約對

敵之聯合、非常注意、極力設法周旋、無如山東問題之辦法、太使國民失望、民氣所趨、萬不能不兼顧、彼稱此層我亦知之、是日祥已備就公函、正式分致美英法三領袖、將非保留不能簽字情形、顯明表示、嗣又探得日本在三國會談時、聲明日本政策、係將山東半島完全主權歸還中國、僅留業經給與德國所有經濟權利、暨按照通常情形、在青島設立租界、其現有之鐵路如膠濟及其枝線、為中日合辦事業、鐵路業主得專為運輸平安、設置特別警察、該警察不得移作別用、並須以中國人充之、所需日本警察教練、由中國政府派充、日本所擬歸還者、所有山東半島軍事上之管理、即百里環界地之軍事管理、及所有該地方行政管理之一切設施、日本並擔保濟南置成一節、完全權宜性質、該戍兵僅於相約告成後過渡時代中暫存之、所謂過渡時代、則縮短者必縮短之、並謂前將沿路之兵、集於青島及濟南、即為日後完全撤兵之初步、該項權宜辦法、雖無日期規定、而日本聲明苟能從早、必從早撤、日本擬留之德人權利、屬於經濟性質者、即業經造成各路之德人權利、暨與鐵路相關各礦之德人權利、至鐵路所任之地、係完全為中國主權所有、並為中國法律管轄、高徐清順鐵路、須用日本資本、中政府對於該兩路之地位、與其他各路之用外資建造者相同等情、事聞兼旬、大會對於五月二十六日正式要求保留一函、尚無答復、祥連日奔走、困憊異常、驚病驟發、幾不能支、不得已即於六月十四日移赴山克魯養病、十六日協商國對德最後答復、業經交出、限期二十八日簽字、國際風雲、日益緊迫、而我國保留簽字問題、雖經一再向各方接洽、迄未有相當解決、祥味絳呻吟、萬分焦急、

二十四日復約顧使往見和會秘書長、商量解決保留問題、顧使云、中國對於約中山東條款、曾於五月六日在大會提出正式抗議、五月二十六日具函通知會長、茲特再為聲明、中國願於德約簽字時、將山東條款保留、彼云保留條件、恐未能行、照訂約通例、惟簽字或不簽字兩層辦法、願使云簽字保留、不無成例、一八一五年維也納公約、瑞典全權於約文內簽字、即聲明對於某某條件有保留字樣、彼云果爾則應請早來函接洽、藉免臨時困難、蓋此事自非和會秘書處所能擅決、顧使云、中國委員會、曾於五月二十六日函達會長、貴秘書處五月二十八日復信、曾稱已為轉達聯合國高等會議、彼云甚然、惟他國亦有保留簽字之請究、竟此問題如何決定、當即代詢會長、再答是日午後六時半、顧使又晤該秘書長、彼云貴國所願將山東條件保留一層、已達會長、據云勢不能行、祇有或簽字或不簽字之辦法、顧使云、中國通國人民、對於此項條件、一致極力反對、本代表因思對敵不得不表示一致、是以委曲籌商、作此保留簽字不得已之辦法、彼

云約中不滿意之處、必有數國、一手承受有益、之條款、一手將不滿意者聲明保留似、亦勢所難行、即以羅馬尼而言、約中條款、於彼國邊境土地、幾得加倍、但彼因宗教種族少數問題之保護、一層即生反對屢多、抗議願使、云羅於土地既得有加倍之、大尙因不滿意之、而生抗議、中國於此次歐會中、所得何在、彼云中國所得較諸他國確無多、但保留一層、既如貴使云會於五月六日、在大會抗議、保留簽字、五月二十六日函達會長聲明、似無庸另加手續、願使云、五月二十六日之信、不過通告會長、擬定欲在約內註明保留字樣、現貴秘書長所稱會長之意、函是、未知是否經聯合國會議決定、彼云此係大概原則之辦法、願使云、譬如不在約內註明、而另籌一種正式之手續、於開會數分鐘前、備函通知會長聲明保留、一面即分函各國、尊意見亦以為然、彼云此層似貴代表團欲於臨時在席上實行一番不滿意之表示、自不如先將各函送會、當代為分送、並云條約簽字、即敵人亦有抗議及保留之意、被迫於勢力、已允完全簽字、願使云、此係對待敵人之辦法、彼云此不過、論其事實、頃所談各節、當為報告會長、

(未完)

● 歐美事情

任子

一 俄國方面

1 西伯利亞統一政府將成立

遠東共和國政府成立後。旋於五月二十八日。雙方交互派員協商條件。六月一日。海參威臨時政府。復宣言深願隨遠東政府之後。所有內政外交取一致行動。遠東政府旋有復文致海參威臨時政府。謂本政府根據勞農政府電文。及日本大阪司令宣言。已荷承認遠東共和國基礎。業已確定領土範圍。亦經規定。所有用加爾維及俄屬各地均在其內。現為謀領土統一及與各國開議訂約起見。深盼威埠臨時政府。對外交方面。一切行動隨時通知中央。以便有所接洽。目前與勞農及與日本締約。至為切要。但兩政府對外交涉。雖力圖統一。然以謝米諾夫之盤據赤塔。橫梗其中。殊非易易。日來兩政府對於謝氏之障礙。極力協圖殲滅。海參威臨時政府總理麥德耶德夫云。『在今日極東的現狀。我們俄國人不承認有謝米諾夫之必要。極東的統一和政界的安定。是我們所欲實現的唯一的理想。』因此該政府近日更有宣言如左。

極東民主政治。因發展艱難。於是始決定組織極東自治國。彼柯爾察克政府所釀成種種困難之狀態。今尚依然存在。故人民務欲排斥之。以求民主政治之實現。乃反民主派。欲分裂極東者。仍肆種種之陰謀。為冥頑之反抗。今者極東之民主派。以農業團體及其他各階級為基礎。建設新自治國。即欲剷除前此政治上之困難。蓋此新自治國在民主政治之下。常保護勞動者之利益。承認個人之資本。以圖極東工商業之發達也。彼具有潛勢力之謝米諾夫一派。對於民主政治之發展。竟屢加以妨害。故上烏金斯克政府。與海參威政府。協力以對付之。且日本大井軍司令官已宣言。將來不援助謝米諾夫一派。則該派終必潰滅。固無容疑。現聞上烏金斯克政府。正與日本交涉海參威臨時政府。因欲使上烏金斯克之任務。抵於完成。亦極力援助之。又海參威臨時政府。近由召集之代行議會。於平和之間。統一極東

恢復政治之狀態。凡與極東有利害關係之各外國不久當與俄國親善云云。

勞農政府代表者威林斯基有言：「日本爲什麼到現在還援助謝米諾夫來妨害極東的統一。日本不是宣言道依俄國民的意志統一極東而歡迎一強固的政府樹立嗎。不是對於極東住民的窮迫很表同情想和他行經濟的于交通嗎。日本國民及政府對設置極東緩衝地帶問題或有好意或有歹意。我們雖不知的。然和俄國國民有同情的日本國民而對於繼續援謝米諾夫氏簡直坐視不問。真是怪事。」

日本鑒于西伯利亞近勢。近來對於援助謝氏的態度亦殊從前。哈爾濱十日電據赤塔消息。日本爲縮小在西比利亞軍事範圍起見。將即撤回駐赤塔之軍隊。任令謝米諾夫自行與非尼烏典斯克政府交涉。現海參威臨時政府已密派參謀長到東京。冀欲與日政府解決日本與謝米諾夫二者間之關係云。

謝氏以奔竄之餘。其所以能盤據赤塔。妨碍海參威與非尼烏典斯克兩政府之併合者。以藉日人之援也。今若日本撤退赤塔軍隊。則謝米諾夫軍隊必不能防禦新黨。而退出赤塔。然謝米諾夫若退出赤塔。則西比利亞統一政府即隨之成立矣。

2 極東代行議會之召集

海參威臨時政府召集代行議會。業於昨日頒發代行議會之權限。與其他規定之法令。其內容爲代行議會之期限。以至正式議會之開會前爲度。而正式議會之開會。當在明年七月一日。如其時正式議會不能成立。則以代行議會舉行改選。而代行議會之權限極廣。有監督政府諸機關及承認與各國所訂條約之權能。故當初將由全國以選舉代表之議。今將僅由沿海州全部及樺太與黑龍州亦一部召集之云。

該代行議會。實足以決定極東將來之運命。故各黨派非常重視。極力運動。冀其自黨黨員之當選。而擴張其勢力。而目下之勢力。自以共產黨爲最大。大有其他各黨不成爲政黨之勢。以是非共產黨則從事於新聞政

策、發行多數之新聞、以事鼓吹、非社會派、亦四出爲選舉之運動、以期得選多數之議員、又鑑於社會黨各派之組織大團體、則亦聯合工業會、交貿所、製粉工業會、及鑛山林業會等諸團體、組織一非社會黨大同團體、以爲對抗、近已發表其政綱要領如下。

(一) 保存極東爲俄國之領土、

(二) 恢復財政經濟狀態、

(三) 保護極東之國家的利益、樹立鞏固之政權、

惟立憲民主黨之加入於該團體與否、刻尙未定也、

至該代行議會之選舉、聞於十三日竣事後、即由十七日起、召集議會、據海參威十四日電云、此地臨時國會選舉之結果、極左黨 內含共產黨 二十名、進步民主黨四名、社會革命黨一名、云又電云、尼港選舉之結果、左黨四名、右黨四名云。

海參威政府改革幣制

俄國當大戰時、收回流通市上之紙幣、停止兌現、而且許銀行有發行特權、繼續增發大批紙幣、加以過激派人握權、示惠軍民、大增工價、益濫發行、於是紙幣之害、日更擴大、海參威政府有見及此、爰議改革幣制、以蘇民困、據六日海參威電、州議會政府今日發表改革幣制文、該制立即實行、規定遠東於即日發行新紙幣、分五十哥貝克、二十五及一百盧布三種、此項紙幣、可換戰時發行之各種紙幣、新者一、等於舊者二百、第一批發行一百五十兆盧布、嗣後得相機增多發行數額、新紙幣以值金七十一兆盧布之金銀白金爲担保品、自今日起滿十日後、舊紙幣均作廢紙、以前之合同、以一等於二百之基礎、一律有效、但老票與克倫斯基發行之鈔票、均不繩以此制、據消息靈通者聲稱、勞農政府已贊成此制。

海參威領事團對於臨時政府所發行新紙幣之事，自五日起，迭開會議，討論對付方法，聞已決定請臨時政府延長新舊紙幣之交換期間，為三個月（原定為十日），而對於準備金之實在，與管理財產之數目，則須待調查之後，方能確定其對付之方法，今尙未能為具體之表示，當會議之際，曾要求臨時政府財政部長恩特蘭夫及財政顧問依索爾金氏出席說明發行新紙幣之辦法，據恩特蘭夫氏之說明如下：

- (一) 規定新紙幣與存金比價之權能，屬諸財政部長，業於八日定其比價為十對一三比例。
- (二) 在臨時政府統治下之西伯利亞紙幣，約共有二百三十乃至二百五十萬萬盧布。
- (三) 稅關則由該法律公布之日起徵收現金。

此外關於調換存在外國之貨幣，則於二三日決定之云云。

4 惠爾夫南政府實況

惠爾夫南政府之實質及其附近之政情，頗有注意之價值，茲據日本陸軍方面所得之消息如下：

- (一) 惠爾夫南政府之實質，純為共產主義，已無可疑之餘地，而其行動，全受莫斯科政府之指使，亦已無可諱言，惟其表面上之對日交涉，則力以民主主義為標榜耳。
- (二) 此次之日俄停戰商議，頗為有利於惠爾夫南政府，故惠政府得以利用其條件，而促其各方面之進步，但其內情，則運輸完全杜絕，謝米諾夫之政權，尙未撲滅，其處境亦甚困苦也。
- (三) 麻葛遜以西鐵路沿綫一帶之地域物資，素極缺乏，今乃更甚，大有日甚一日之勢。
- (四) 惠爾夫南政府之實權，屬於由各部長所組成之執行部，及最高評議會，其議長則為依渥諾夫氏，而克拉斯訥希屈哥夫及蓬特門氏等為之委員，依氏等雖為政府之執政者，但其待遇與平民初無稍異，人民等亦並不稱之為大臣，及其他之敬語，蓋為各國社會主義者一般之習尚也。

5 勞農政府之私產國有辦法

據莫斯科消息、蘇維埃治下之俄國、已實行私產國有、據報告稱其總額、已達該國貿易全部百分之九十、計有船一萬六千艘、私地六千萬、鐵沙釘及一切私家銀行、皆歸國有、其結果則建設國家托拉斯九十所、均產者之農產企業二千四百種、農業均產協會六千所、小企業及協會、皆不歸國有、刻各種國有企業計雇用人達三百萬、在蘇維埃治下新成立之大公司有十五所、更有發展實業農業之大電機廠數所云、

一一 英國方面

1 愛爾蘭問題之近訊

倫敦三日電云、新芬黨徒攻擊奎斯頓信號台及海濱防營五處、此番進攻均告功成、唯一處失敗、聞政府之軍艦一艘、已抵邦德黎海灣、派兵一百名、隨帶軍械登岸、其他軍隊亦在海濱各地點登岸云云、倫敦四日電云、下議院討論愛爾蘭自治案時、政府承認某修正案、規定非俟該案實行三年之後、不得調動愛爾蘭之巡警云、

五日倫敦電 昨日鐵路工人代表團、因愛爾蘭路工不允搬運軍火事、往見首相、當由首相答告一切、茲由官場發表首相之言、略謂職工聯合會今不以國家尋常機械、但以擾亂國家實業之威嚇舉動、干涉政治、渠不能不視為嚴重事件、如承認此種要求、則直政府完全退位耳、法國前亦有此類似舉動、但法國職工聯合會卒得極不利之結果、此渠所以為愛爾蘭職工聯合會之舉動惜也、愛爾蘭於甚短時期內、共有暗殺案四十八起、暗殺未成者一百二十起、凡執行維持秩序之責者、輒遭槍斃、迨政府裝運手槍一箱、以供警士自衛時、職工聯合會即起而留難、以停止愛爾蘭鐵路全部運輸為恫嚇、至於暗殺家藏槍於袋、往來鐵路、則聯合會不過問也、此何等事、無論其代價若何、政府決不能容忍之、路工且拒絕工作於裝運兵士之火車、似此妨

礙政府運輸。或政府行政上所必需便利之行爲。無論出自任何有力之團體。政府決不依允之云云。代表團中有一愛爾蘭代表。發揮意見。謂英國職工聯合會之舉動。或可使政府與愛爾蘭一部分人民彼此接近。希望全國路工聯合會向此方面進行。代表團領袖湯姆斯稱。扶助愛爾蘭罷工之人。即無異對政府宣戰。倫敦六日電云。愛爾蘭地方自治政府之選舉。除東北烏爾斯脫地方外。新芬黨大獲勝利之結果。現愛爾蘭城鄉議會。新芬黨實占多數云。

倫敦十七日電云。據每日新聞所載。The Daily Chronicle。英政府俟愛爾蘭自治法。一經實行。擬即設立阿斯達國會。Zionist。愛爾蘭北部地方。此種辦法。一般阿斯達人。必不反對云。

2 英工人反對政府援波攻俄

莫斯科二日電云。英國起卸貨物之脚夫。在波里茂 Plymouth 開代表會議。倫敦代表提議。請各脚夫對於裝運到波蘭之各貨。拒絕搬運。旋即議決。極力反對政府。將軍械軍需接濟波蘭。及與俄國鄰近之各國。并勸告英國無產階級之人。對於英政府此種舉動。提出抗議云。又電云。柏民享 Birmingham 之工人。現舉行大示威運動。當場議決。要求開工團 Fratio Union 特別會議。討論總同盟罷工問題。謂此種總同盟罷工之目的。在強迫政府。停止波蘭進攻俄國。並議決。以英民名義。反對政府帝國主義之政策。並恭頌倫敦脚夫對於此種運至波蘭之貨物。能拒絕搬運云。又電云。政府反對黨領袖亞斯葵。在公衆大會中演說。攻擊政府援助波蘭攻俄。當時有一從事于勞工運動之首領演說。謂吾等政府。如不肯維持和平。謂停止攻俄。則吾等水手及脚夫。將出而維持之。

英國全國鐵路工人。因受碼頭脚夫影響。亦已議決。一致拒絕搬送軍需。以援助波蘭。阿馬尼亞以進攻俄國。勞農政府云。

3 英吉利貿易近况

八日倫敦電 商部報告五月份出入口貿易計出口貿易共有英金一一九三一九〇〇〇磅上年同月爲六四三四四〇〇〇磅一九一三年五月爲四三八五九〇〇〇磅入口貿易共一六六三三三〇〇〇磅上年同月爲一三五六一二〇〇〇磅一九一三年五月則爲六一二七九〇〇〇磅

倫敦十一日電云每日電報新聞社農務訪員云一九二一年歐洲缺乏糧食之推測當不成事實又云美國與坎那大近日傳來之報告較一個月前更足鼓勵人心美國之出口貨將與近數年來相若即英國奧國比國及埃及現正收成冬季種植之五穀小麥亦有良好結果之希望云

二 意國方面

1 意國麵包風潮擴大

意政府因欲免除每年糧食津貼八萬萬黎爾(意幣)之損失。發布麵包增價之命令。惹起人民反對風潮。各地搶掠麵包。各軍從事革命運動。國內形勢日趨危急。國會中之社會黨宣言非至麵包價值低落。則彼黨對於政府必始終極反對。現意內閣業已辭職。羅馬十日電。意國總理尼迪氏蒞議院。宣告取銷近日所發表麵包增價之命令。謂內閣此次辭職係因各政黨反對該命令之故。同時議長烏蘭杜氏亦已辭職。聞議會開會時間甚短。且極紛亂。尼迪氏之演說。屢被攔阻。社會黨與反對社會黨者。大起衝突。至動武力。議會現亦閉會。將至於無期。此次社會黨員。大佔優勢。聞繼任總理。爲前總理翹烈狄氏。G. G. 氏已第六次出任組閣。自兼內務。其外交總長爲司福塞 Storza。陸軍龐訥第 Bonotti。殖民勞喜 Rossi。實業阿動曉 Alasir。工部斐納 P. P. 庫藏梅達 M. M. 財政德特庫 Telesco。農部米克利 Micheli。勞工賴伯廖拒 Labriola。教育格祿士 Croce。新領地勞耐利 Roiners。郵政藩薩勒 Vassallo。N.

2 意大利之赤化

羅馬十二日電云、克里孟那與美爾蘭兩處之鐵路人員、同盟罷工、反對轉運火於波蘭之事、又電云、持里司德暴動反抗遣派兵隊開赴阿爾邦尼亞之舉、阿爾直持人民參與此事、竟至以快槍炸彈、從事阿爾直持兵營附近交戰之時、某軍官與兩兵卒、受有重傷、聞軍隊已恢復地方秩序云云、

四 法國方面

1 法國工藝中之新用品

晨報巴黎通信社稿。法國平時所仰給之煤炭、皆在法之北省及比利時德意志一帶、故自一九一四年大戰開始、北省陷為戰地、而比利時更為德人所據、法國彼時煤炭恐荒之狀、不可勝言、尤以一九一七至一九一九兩年為甚、今雖戰事終了、但以罷工頻仍、工作時間、又行減少、北省各地、雖已珠還、然所產煤類、尙不足以敷一省一日之用、而德人所承認之賠償煤炭、又迄未如期付與、比利時雖能相助、第以能力有限、英吉利則出其狡猾、口儘言助、實則未也、所以法自去冬以來、缺煤之狀、尤其於戰時數倍、姑無論家常日用之不足、即以種種工業而言、若大若小、孰不利賴於電與蒸汽、二者之來、又孰非由於燃燒、故各工廠因缺煤而停工者、不一而足、記者自往遊北省以來、常見彼間之煤氣電及自來水等公司、與夫玻璃顏料紡織等工廠、每每停工、於去歲冬季、幾乎每週一度、究其原因、缺煤也、至於平民不能禦寒之慘、更難言矣、

法之工業與平民、既遭此痛苦、於是一般學者、工藝家、乃朝夕討論、以謀救濟之法、去冬即有重油及嗎汝油
Danzou 代作燃燒品之語。至今年二月十四日、哈五 Havre 之法蘭西煤油及嗎汝油公司 Compagnie Française
aise des Mayouus et Petroles 遂有由哈五至巴黎建築引導管、專導重油及嗎汝油等之舉、考重油、即係
取洋油後、至一百四十與三百度、間之所得者、再後則為嗎汝油、蓋自化學昌明以來、人皆知重油及嗎汝油

之燃燒功用，但以煤炭之便利，遂多不重視之。迨至於今，始以煤炭缺乏之故，起謀利用，是誠爲工藝界開一新紀元矣。茲特將其功用述之如后。

重油所發生之熱度，較之各種煤炭及各汽體所發熱度爲高，能用以爲冶金之用，並能供給各工廠所須極高熱度之燃燒。如法國現已實用於某工廠之大水鍋者，其餘工業，蓋無不能用之。

用重油之工廠，須有一特別器械，此器全體甚小，所占地位不多，並可移動。若此處不適川時，儘能移諸他處。需用之際，則置於竈之上端，由一小管導重油入之，即可隨意燃燒。燒時所發光焰純白無煙，所需溫度大小，亦可隨人之意，以器械伸縮之。由屢次試驗後之考察，所耗之費，實較用炭爲少。以記者觀察，所得川重油與用煤之比較，其利如下。

(一) 凡工廠每日動工之初，即須先將煤炭燃燒，待燒至一定限度，機器方能活動，工人亦方能工作。其間空耗如許燃燒，工人 *Nine* (凡廠中之 *Non-ferrous* 須數人或數十人，經理燃燒) 若用重油，則立刻可以發火，立刻可以工作。

(二) 凡以煤炭生火，必須先以木料等引之。若川重油，木料費即可省去。

(三) 竈之建築，一爲至繁，一爲至簡。如用煤之廠，須先特造一竈，川費業已不菲，且須高建一煙筒，豈出青漢，則耗費尤巨。若川重油，祇須一至簡之器，費用既儉，工作又便，且能隨時移動，豈不較爲便利。

即在鑄鐵工廠，其益處亦多。大別之：(一) 可以減去木料與木炭。(二) 只須五分至十五分之短時間，即可化鐵。(三) 川以烘乾各種形式之鑄鐵釘及流鐵囊等，皆極方便迅速。今年一月，北省工藝院畢業生，有名姑德武者，曾試驗重油之効力，以一長一邁當寬四十生丁厚二十五生丁之鐵條，置於焰上，僅十分鐘即化，可見其功用之大。

至用重油之器械有三種。一器上有二管，一為油管，一為助燃燒之空氣管。二一亦有二管，但後者為水蒸汽管。此空氣與水蒸汽皆用壓力壓緊在一約一英寸邁富方尺面積受二磅羅壓力。三為中等壓力器械用空氣助燃，但其壓力為水注七〇生丁。其用途與前二者總此三種皆隨人之便利而選用之。

以上所言皆係用重油最普通之用法，本已風行一時，而今更有嗎汝油之發現，其功用乃日益宏大，且價亦較廉。現美國已特提出一四〇運油船，專運嗎汝油出售法國，亦有一一萬七千噸之船名 *Le Penche Brown* 者，於本年一月馳往美國，載運此油。白姑者美國出產煤油有名之地，亦於本年正月載運七萬噸嗎汝油至英法二國。且美國已許英法二國每月給以嗎汝油二萬噸。至法國收油之處，約有數地，如 *Dunkerque* *Beau* *Esu* *Nine* *Barbauk* 等皆是。但用重油及嗎汝油之法，固然可以解決缺煤問題，惟是由此數城運於內地，亦一問題。此則哈五至巴黎引導管之所以設也。

法國目前車運壞至極點，有在一二百里之短距離間輸運貨物，而數日不至者，此因戰事影響於組織之破壞故也。輸運不良，亦為各處缺煤原因之一。有建議用摩托輸運，不用火車者，然於事實頗難辦到。至於運油一事，則記者於本年二月見哈五之煤油及嗎汝油公司上工部求建設哈五至巴黎引導管一書，名曰 *Line du Havre Paris* 者，於輸運上面甚為便利，且每日所得結果，遠非火車所能仰企。試言其書中大意，便可知之。

(一) 請在哈五（此為濱海之域與美國可以直接交通重油及嗎汝油運至，即在此地再由此地分運各處）海岸修停運油船堤。此堤不停他船，故油船一至，即可直泊堤下，無虛耗時間，以待攔岸之弊。且於此堤設抽油機，用以吸油上岸。凡船一至，無須多時，即可成事，庶免時間上之問題。

(二) 由哈五築一引導管，直至巴黎，專為導運嗎汝油之用。此管直徑為二十五生丁，由五處停油棧，每日

可以運至四千五百噸。

(二)在引導嗎汝油管之上，再設一管，其直徑爲十生丁，以運煤油及輕油。Essence。每日可運一千噸。上言之停油機即爲 Birbes Yveo Baranlin Rouneu Poulloise 五大城之停油機，每機皆有抽氣機，用以助油之運行，並有數盛油之缸，容積爲六萬噸，其管之建設，與引水者同埋於土中，共計用費約九千萬佛郎。此項工作，即建設分引導管之工作，已於本年一月末動工，約計於明年冬季，可以畢事，從此即可以免缺煤之恐慌矣。

2 法國出產漸臻戰前之率

七日巴黎電，巴黎發刊之紐約日報載稱，法國出產漸臻戰前之率。上年四月份，由美運入法國之物品，共值佛郎一千四百五十萬枚。本月四日，已落至五百五十萬枚。

五 德國方面

1 德國政府反對黨選舉上之勝利

德國此次總選舉結果，政府黨議員在舊國會時有三百二十六名，今則減至二百二十二名，而反對黨從前僅六十八名，而今則突增至二百二十八名。計新國會議員共四百六十名，社會民主黨佔一百一十名，中央黨六十七名，民主黨四十五名，耶教聯合會二十一，名，德意志國民黨 Nationalistische 六十五名，德意志人民黨 Reichliche 六十一名，獨立社會黨八十名，共產黨二名，巴維利亞農民黨四名，額爾夫斯黨 Gleiches 五名，選民總數爲二千五百七十一萬九千名。此次選舉現任閣員之落選者，僅工部總長署里克 Seelicke 一人云。

按德國現內閣以多數社會黨爲主體，爲政府的與黨的。有中央黨及民主黨，反對政府的，爲復辟派的保守黨及社會黨急進派的獨立黨。多數社會黨和中央黨當革命以來，選舉均獲勝利，故德內閣經過

共產黨的擾亂和復辟派的反動。都能維持。却是多數社會黨勢力。年來逐日薄弱。當復辟時。彼黨首領。便無法維持。至于乞援獨立黨。近日南部工業地方。排斥政府黨更力。此次總選舉。政府反對黨必佔優勝。固早為一般有識者所料及。不過此次結果。反對黨議員。由六十餘人增至二百餘人。政府黨竟由三百餘人減至二百餘人。與本年正月十九日民國議會議員選舉。多數社會黨在全員四七四名中。占一六五名。中央黨占九一名。獨立社會黨占三二名。兩下比較起來。幾成倒置之勢。德國社會主義實際化的進步。不能不令人佩服也。

2 德內閣改組近況

此次總選舉。政府黨大失敗。多數社會黨的現內閣。不能不退讓賢路。聞現已提出辭呈。愛博爾 *Thiere* 總統力請暫時維持現狀。並請總理從速將此次選舉結果揭布。俾國會得早召集。一面委美里爾 *Mueller* 組織內閣。十二日下午。美氏與獨立社會黨領袖克里斯尼 *Christie* 會。十三日美氏已報告總統謂不能組織內閣。因之總統召人民黨 *People Party* 領袖海察 *Heise* 討論此事云。

六 捷克方面

捷克新共和國自成立以後。迭請與我國通好。要求承認。是捷克頗有注意之價值。爰述熟悉該國內情者之談話。以供參攷。

▲新閣員派別 自麥爾利次克博士當選為捷克共和國大總統以後。內閣亦為改組。其閣員之分配如次。

總理 褚薩爾 (社會民主黨) 教育 傑柏爾孟 (全上) 司法 梅史納爾 (全上) 糧食 俞加尼斯 (全上)

濟世 威特爾 (全上) 貿易 哥德愛次 (全上) 外交 柏南希 民主黨 財政 恩葛林 (同上) 內

務 歇葛拉 農民黨 保健 希羅波爾 進步黨 郵電 史他納克 國民黨 鐵路 史德利卜爾尼 (社

會革命黨 勞動 惠爾湘斯基 社會革命黨 商務 宋達葛 農民黨 經濟 渡拉希克 全上 其上議院議長爲社會革命黨之葛利哲克，而下議院議長則爲社會民主黨之總麥歇克氏。

▲工業狀態 捷克斯拉夫國，夙以工業發達聞於世，而尤以砂糖酒精麥酒及玻璃等之製造爲最著，近受歐戰之影響，原料遂告缺乏，因是捷克國特產之機業原料棉花獸毛及金屬油與麻類，亦均有斷絕之現象也。

▲貿易據其去年（一九一九年）前半期貿易之統計，輸出爲十二萬七千九百萬克郎，而輸入爲十萬七千一百萬克郎。

▲財政狀況 捷克國之主要財源，爲各種之稅金，其去年之歲入，爲十一萬四千萬克郎，而本年收入之預算，爲十七萬六千八百三十六萬克郎，其債務則外債爲三十萬二千五百萬克郎，內債爲十九萬萬克郎。

七 奧國方面

奧國一般輿論，對於奧國政局，以爲現政府應繼續留職，但不可仍固執爲人非難之聯合契約。十五日總理任勒博士，說明社會民治黨欲打銷聯合一說之不確，謂基督教與大日耳曼黨有所協定，致釀成現內閣之風潮。總理向奧國勞務家聲明，謂政府目的，決不欲以中級社會成立迪克推多制，決不容任何階級壓抑勞工社會。須使奧國工黨能保障其權利，並維持其在民國政府所應有之地位。

捷軍歸國數目

哈爾濱電云，目下在西比利之捷克軍，約一萬五千，內計在海參威者一萬二千，在哈爾濱海參威間者三千，本月中在海參威入港之運送船，共計四艘，預定約有八千人歸國云。

八 挪威方面

1 挪威工黨採用蘇維埃制度

莫斯科二日電挪威工黨幹事會議業已閉會，議決採川蘇維埃制度及無產階級之統治，當時贊成者有二百八十五票，反對者僅三十二票，並訂立共產法案，為其黨之黨綱，閉會後隨即致電莫斯科勞農政府，聞該工黨會議亦要求製造阿母尼亞二大工廠之工人停止製造阿母尼亞，因此種化學藥品，乃為製造炸藥之資，而用之以攻伐俄國云。

九 美國方面

1 美共和黨之全國大會議

▲攻擊威爾遜之專制 本月八日，共和黨在大戲場中開本黨全國代表會議，National Convention 參議員羅治，Lodge 為臨時主席，極力贊成上院對於和約所採反對之態度，謂上院之反對和約，乃一種愛國上之義務，並宣言總統威爾遜與彼所代表之一種專制政治，吾等當務使其屏絕於將來，蓋此種政治，實與吾美之政治學說，不相容，故威爾遜之政治與美國之獨立安全，二者之間，何去何從，實非常重要，吾國人民當慎為選擇，羅氏并言共和黨對於奸商抬價謀利之弊端，將極力反對，至於美國近七年來對於墨西哥所作種種不名譽之事，當使之絕迹，蓋美國對待墨西哥，首當依據門羅主義 Monroe Doctrine 執行，然美國於此毫未盡力，而反欲遠取阿爾曼尼亞國，而執行其委任統治之權，美國今日之陷於如此危殆之境，民主黨實不能辭其責，如共和黨今日不能將彼黨制服，則俄國今日紛亂之野蠻之狀，將復見於美國云云。

▲議決之政綱 美國全國共和黨大會，通過一種政綱，反對德約與國際聯盟，謂國際聯盟之盟約，實不能達維持和平之目的，且取消華盛頓與門羅之政策，又謂不幸威總統堅持其意見，以致一部分參議員，迫得依據已見投票表決，其他一部分則服從於專權者之下而已，吾共和黨參議員不可承認德約，應主張設國

際公斷法庭、反對威總統對於阿爾孟尼亞之委任統治案、然異日若共和黨執政、對於此事、誓將盡美國對於文化與人道之職份、如此時共和黨不反對、任令彼承受阿爾孟尼亞、即爲使美國陷入歐洲紛爭漩渦、派美警五萬六千人維持阿爾孟尼亞治安、其經費於五年間、約達七萬五千萬元、故規定無論歐亞各地方之委任統治、共和黨概不贊成、聞該政綱尙未提及酒禁、然據共和黨領袖言、對於維持法律秩序之政綱、爲酒禁之政綱、該政綱對於愛爾蘭獨立問題、亦未提及、又該政綱亦反對美政府對於墨西哥之政策、並聲明共和黨對於墨西哥將持一穩健政策云云。

▲候補總統之選定 共和黨全國大會已選定參議員哈爾丁 *Hamilton* 爲候補大總統、其州長哥里治 *Coquytze* 爲候補副總統云、按哈氏爲洛威華州 *Ohio* 莫爾 *Morrow* 郡人、現年五十五歲、曾在公立學校及洛威華中央專門學校畢業、一八八四年、在馬里戀 *Michigan* 從事於新聞事業、充馬里戀明星報編輯及發行人、一九〇〇年至一九〇四年、爲洛威華州參議員、一九〇四年至一九〇六年、爲洛威華州副省長、一九〇一年被指名爲洛威華省長、然未獲當選、一九一五年、被選爲合衆國參議院議員、兼充院中菲律賓委員會會長、及貿易委員會外交委員會、潘屬委員會委員、其所担任之職務、與遠東極有關係云。

2 美極力擴充海軍

▲海軍總長之文告 美海軍總長台尼爾氏近日發表文告、深以海軍經費議案、減少經費爲憾、並謂太平洋中今萬不能不置美國大艦隊、而國會不撥充分之經費、擴充太平洋艦隊、安全保衛太平洋海濱、及境外之羣島、可稱不識時務、海軍航空經費、規定英金四百萬磅、僅抵應用經費之半數、而不許造一新船、亦屬惡劣政策、今除若干人外、無不知英金四百萬磅、不足供航空事務之用途。

▲協助南美擴充海軍 美國擴充海軍早有斯議、近年以來、美政府對於海軍進行之計畫、正在積極、如舊

中美顧德馬拉共和國。在數月前已有內訌之兆。其原因則由於大總統加布列拉氏之不負衆望。將軍加爾哥斯及黑拉拉兩人所統率之叛黨。遂於四月上旬舉兵與政府軍反抗。加布列拉大總統命該國駐華盛頓公使哀求美國政府。即與援助。以平禍亂。於是美國政府對於駐顧德馬拉公使馬克米南氏。爲鎮壓此種內訌。可臨機處置。自此訓令下。後旋又派遣巡洋艦他哥馬號及潛水艦母艦拿耶加拉號。使海兵團上陸。以保護美國公使館。但叛黨勢力日益猖獗。政府軍頗有衰頹之勢。首府顧德馬拉市之伯刺西爾國公使館。屢被彈丸所擊壞。至是該市駐在之外交團。始對於政府及叛軍提出抗議。雙方休戰。在美國公使館內開兩軍之會議。其結果。叛軍對於政府軍。議決加布列拉大總統退出國外。及保護該大總統之家族生命與財產。而加布列拉大總統。遂成爲叛軍之捕虜矣。四月十六日。始公表降伏叛軍之首領黑拉拉將軍。自爲大總統。改組內閣。其名單如次。

▲司法總長 沙拉威耶氏 ▲外交總長 阿洛列氏 ▲教育總長 阿羅幼氏 ▲工商總長 麥

哥士氏 ▲財政總長 威達烏列氏 ▲陸軍總長 德特他氏

右之各部總長。皆國中有數之人物。富有聲望者。迨國內之秩序回復後。凡從前被加布列拉政府驅逐國外之政治犯。皆相率歸國。對於美國政府。各拉丁亞美利加政府及國際聯盟。要求政府之被承認。

●日本事情

一 議會開會前政府反對派之形勢

1 貴族院公正會之物價調查報告

貴族院公正會中。夙設物價調節問題調查委員會。關於物價及財界混亂諸問題。詳細審查。其結果五月一日開臨時總會。由委員長阪谷男爵先述調查經過情形。次讀報告書。於是略有質問。稍加修正。遂滿場一致承認焉。查其內容。對於政府極懷不滿之意。是亦可規公正會對議會之態度。故特抄譯之於左。

公正會物價委員會報告書

本委員會特開理事會及委員會。關於本問題及財界時局諸問題。詳加研究。卒得結論如左。

一 關於物價調節問題。貴族院議員有志者。曾於大正七年八月及大正八年十月。兩次向政府當局切實警告。並於第四十一議會及第四十二議會。反覆質問。乃政府不察。無徹底的施設。致物價之奇昂。於是投機濫行。反動突來。迨本年三月間。經濟界之混亂。遂至不可收拾。是實吾人所深以為憾者也。

一 當目下經濟動搖之際。其最急務。宜由應急及根本兩方面。力求經濟上之確定。更進而講生產助長貿易發展之方法。庶經濟界之發達與國民生活之安固。可得而企及也。

一 財界之混亂。足以惹起國民生活上之不安。從而國民思想。不無動搖之虞。吾人認為政府對於此點。應採相當措置之必要。

一 政府行將提出於第四十三議會之豫算追加。及關於財政計畫之法律案。均與上述事項有重大之關係。故吾人對於此等法案。確有慎重審議之必要。

原內閣對於貴族院之態度。極爲注意。日前特延大木伯爵入長司法。正一和緩之手段耳。今乃公正會霹靂一聲。首倡反對之議。然則原內閣亦未可安枕而臥矣。

2 普選運動之最近消息

日本自新選舉竣事以後。普通選舉運動之聲浪。日高一日。六月五日普選運動各團體代表。頭戴特別普選帽。乘坐摩托車。散布次日（即六日）在上野公園。開「普選示威運動大會」之傳單。警視廳因其措詞激烈。嚴加取締。然各代表卒能努力。將此種傳單。散出至三十萬份之多。原首相聞訊後。惶恐異常。乃密令警視廳一面下緊急命令。禁止開會。一面整兵列馬。以爲與民交戰之準備。次日（六日）上午十二時。上野公園之四圍。荷槍佩刀之警察。已重重羅列。而熱心運動「普選」之士。破「重圍」逾「槍林」而來會者。仍絡繹不絕。下午一時左右。到會者已達七十五團體。總人數約計三萬五千人。由某某等團體代表。公推大竹貫一氏爲主席。宣告開會大旨。次由箕浦勝人、島田三郎、尾崎行雄、河野廣中等六十餘人。相繼演說。其措詞略謂。政友會爲謀一黨之私利計。始而無理解散衆議院。阻止普選進行。繼而違法包辦選舉。擴張黨勢。終而藉口國防。濫加預算。數月以來。內政則財政紊亂。外交則失信友邦。故吾輩今日欲達普選斷行之目的。須以速倒此殃民誤國之內閣爲前提云云。演說諸人之中。尤以尾崎行雄氏爲最劇烈。蓋因尾崎氏爲憲政會之首領。即此次運動倒閣之主腦人物也。演說既畢。復共同發表宣言書。其詞意與演說者大致相司。未署大正九年六月六日全國普選聯合會等字。

主席讀畢宣言書。全場數萬人。狂呼聲浪震天。警視廳正力刑事課長。乃率大隊武裝警察入場。肆行干涉。羣衆亂罵政友會與原敬之聲浪。較前益高。尾崎行雄氏與警官作最長時間之辯論。大意謂政府似此無理剝奪人民之自由。勢非釀成大亂不可云云。主席於此會場秩序已亂之際。復匆忙宣布下列二條之決議。（一）

決行普選以明立憲之大義。(二)決定推倒秕政百出之現內閣。全場一致贊成。主席乃宣告散會。

一一 日本經濟大恐慌之近況

日本自前月證券暴落以來。經濟界全入於恐慌時期。因實業家之救濟運動。及政府之對總選舉策。百計彌縫。雖一時歸於平靜。而金融梗塞。事業萎靡。實無所異。其中蒙重大之打擊者。除米糖絲外。尤以機織爲最。或制限生產。或斷行歇業。或宣言破產。恐慌之狀。遍及全國。據農商務省調查。受害最深者。爲東京大阪京都等府。福井愛知和謨山三重羣馬樺木山梨兵庫愛媛奈良岐阜鹿兒島福岡廣島富山等縣。爲共十八處。又據警視廳調查。僅東京一隅。從五月一日至二十五日止。適用工場法之工場。破產歇業。縮小規模者。計六十九起。從四月財產動搖以來。至五月二十五日。統計共百三十四起。加以四月新設之工廠。目下雖頗能維持。恐二三月後。資金來源。漸漸告竭。又將續出多少之歇業破產者云。月來一般視綫。咸集於總選舉。不遑顧及他事。故經濟界之變動。殆鮮注意者。至前二十四日。橫濱東京京都大阪高崎等處。茂木氏七十四銀行及橫濱貯蓄銀行。一齊歇業。於是其他銀行。如左右田上州石塚銀行等。受其影響。亦均歇業。各處證券市場行情。復又暴落。其一種恐懼驚惶之狀。較之前次尤甚。驚弓之鳥。喘息未定故也。茂木氏擁有四五千萬之資產。爲橫濱唯一之富商。亦爲唯一之少年事業家。其所經營之七十四銀行。全國各要地如大坂京都東京等十餘處均有支店。及橫濱茂木合名會社。(支店分設外國者如里昂倫敦紐約上海漢口北京孟買西安姆等處。國內如大坂東京等處)營生絲棉紗各種雜貨織物之輸出。與硫黃白臘等之輸入。該社最近又增置工業部。稱東京茂木工業部。以精鍊事業爲主。此外復有橫濱火災保險公司。第二銀行。信濃第十九銀行。東西製作所。滿蒙毛織公司。日本火藥公司。東華生命保險公司等。其資產之厚。氣魄之雄。亦日本實業界中有數之人物也。

此次橫濱七十四銀行、與他處各支店、及橫濱蓄儲銀行、爲三週間休業。實受茂木合名會社之影響。因該會社以其信用資力之雄厚。對於各種事業過度伸張。不稍制限。其所營事業。如棉絲織物等。因輸出停滯。蒙重大之打擊。故不能不從機關銀行爲資金之融通。加以財界又全入於反動時期。更添幾層困難。雖從日本與正金兩銀行。融通二千萬元以上之巨額。亦不能支持。故不得已。暫時歇業。政府對於前次恐慌救濟。雖於證券砂糖及輸出業者方面。有所救濟。不過因總選舉在即。暫博社會一時之歡。以圖敷衍目前之計。而於日本銀行資金之融通。猶多制限。殊不澈底。以致恐慌復起。其影響於大公司及銀行界。有野火燎原之勢。政府鑒於此等狀況。若仍袖手傍觀。不積極爲澈底的救濟。則今後經濟界變象。將靡有底止。當局於五月二十五日閣議。決定今後救濟。不問其事業種類如何。苟爲健全之事業。及有確實担保者。日本銀行及其特殊銀行。當極力爲十分之融通。其金額多少。雖不加制限。然該行資產。或董事私產。担保且不足時。則政府不與救濟。蓋對於冒險者之破產。無救濟之必要故也。但此種融通。將來通貨益加澎漲。物價必更形昂騰。恐招揚湯止沸之惡結果。日政府若不爲正本清源之計。徒怵於目前利害。以治標爲能事。則終爲失策。毋怪其甚招野黨之反對也。

三 五月間日本對外貿易之一斑

i 對外貿易之輸入超過

據日本大藏省（財政部）之調查。五月中之對外貿易。輸出約一億九千二百九十一萬八千元。輸入二億九千三百五十三萬三千元。其結果輸入超過約一億零六十一萬五千元。試表如下。（單位千元）

五月

一月以降累計

輸出品價

一九二〇年五月

九五四・五八一

五月中之貿易。其輸出超過。所以至一億餘萬元者。實因輸出方面如綿紗、茶、精糖、石炭、木材等。較前雖不無增加之傾向。然其大宗之生絲及其他重要商品。則其形勢殊不湧躍。反之輸入方面如棉花一億二千九百萬元。鐵類一千萬元。器械類一千萬元。油滓一千八百萬元。勢如洪水。滔滔而至。故有如斯之結果也。試舉重要品之輸出入額。以資參攷。(單位千元)

輸出品	輸出入超過	
	五月	一月以降累計
輸入品價	二九三・五三三	一・三九四・八〇四
合計	四八六・四五二	二・三四九・三八五
輸入超過	一〇〇・六一五	四四〇・二二三
豆類	一・七二三	七・一二九
茶	一・〇一五	一・七一九
精糖	二・一五七	二・一五三
另紗	二・五一三	一一・一三六
石炭	四・一五二	一〇・一二六
木材	二・六九九	一一・六六四
生絲	四五・六〇四	二二四・六一四
綿紗	一〇・八六一	六〇・四五六
鐵	七〇七	二・六八一
銅	一三一	二・四〇一
製帽用真田	二・一〇四	一〇・七九五

石	油	智利硝石	羊毛	棉花	生橡皮	皮類	砂糖	輸入	其他	玩具	玻璃及其製品	陶磁器	紙類	鈕類	莫大小製品	織綿物	絹織物	火柴
炭	滓							五	五五・三八八	二・〇三九	二・〇七四	二・一九六	二・四二八	一・〇七三	三・四八四	二九・六二三	一四・二一九	二・四一九
一・四〇九	一八・三八一	四・五八四	一一・三五二	一二九・一四八	二・六六八	二・〇九四	四・三六七	月	一月以降累計	八・四七八	一〇・九四一	一三・九七九	九・六九五	四・七四七	一・〇六三	一五七・三〇九	八六・九〇三	一五・八三二
九・四八六	一〇〇・五五	一九・七六六	九六・九四九	五二二・八八九	九・一七〇	一四・一一一	三六・五九四											

鑛	一・九〇三	六・一八〇
礦奇性曹達及曹達灰	一・四九六	七・八一九
化粧墨及染料	一・八八四	六・九一七
製紙原料	二・一一二	九・八五五
鐵（塊鐵）	四・八八八	二二・一八九
同（條竿板類）	二〇・〇五三	九三・一三八
同（筒管）	一・三八四	六・二三五
同（軌條）	一・四二九	八・六三七
綿織物	一・〇五九	四・九九二
毛織物	一・七二八	九・〇九二
紙類	一・三八三	七・九一四
機械類	一〇・一七三	三六・〇三三
其他	六四・一七五	二九五・二五四

2 對華貿易之輸出超過

又據日本大藏省之調查。五月中之對華貿易。其輸出約三千五百二十九萬一千圓。輸入千四百二十九萬圓。其結果輸出超過。竟達二千百萬一千圓之多。其詳情如左（單位千圓）

輸出	五月	一月以降累計
滿洲	三・九八八	二九・一五九
北支那	一一・三四三	六六・八九二

中支那	一九·五八五	一〇二·五五八
南支那	三七五	六一八
計	三五·二九一	一九九·二一七
出超	二一·〇〇一	九一·九八一
輸入	五月	一月以降累計
滿洲	二·一九二	一四·五四二
北支那	四·八二六	三五·八九六
中支那	六·七六二	五四·〇二三
南支那	五一〇	二·七八一
計	一四·二九〇	一〇七·二四六

四 正貨漸增與物價漸低

1 正貨漸增

據大藏省之調查。五月三十一日現在正貨。其總額為十八億七千五百萬圓。較之五月十五日現在。其增加額有一千百萬圓之多。查其原因。蓋近來英國為還債計。特由香港運入金貨千三百餘萬圓。日本銀行即以此種正貨。算入政府儲金之結果也。因是正貨總額之內。得以政府及日本銀行所有別。表示於次。

政府所有

九〇八·〇〇〇·〇〇〇

日銀所有

九六三·〇〇〇·〇〇〇

雖然。此等正貨。非盡在日本內地也。故更得以內地現在及海外現在別。表示於次。

內地現在

六九三·〇〇〇·〇〇〇

海外現在

2 物價漸低

一・一七八・〇〇〇・〇〇〇

據日本銀行之調查。五月中在京市重要物價。復趨低落。蓋騰貴者僅四品。如小豆、砂糖、鹽、玻璃板之類。無漲落者。茶、煙、紙、煙、石材、洋磚、瓦、洋灰、皮革、石炭等類。反之低落者。竟達四十二品之多。較之前月。其低落率為九分四厘五毫。其重要物品約如次。

品名	本月	前月	前年同月
米	四二四	四三四	三五九
小麥	二八〇	三二六	二六七
砂糖	六九五	六一〇	四〇五
生絲	二四三	三五三	二二三
綿紗	四一〇	五八九	四七五
鐵	二六二	三一五	二七二
銅	一四二	一五二	一四四
木材	四二〇	四四〇	一九九
洋紙	五四二	六二五	四八八
石炭	四四四	四四四	四一八

夫正貨增則物價漲。正貨減則物價低。貨幣數量說之所由來也。今日日本正貨漸增而物價反漸低。何歟。竊謂日本正貨雖增。其中既有海外現在之正貨。不能流通於市面。又況內地現在之正貨。安知大半不在日本銀行金庫內。彼貨幣數量說之所謂正貨者。係指流通貨幣而言。今則簿記上之貨幣也。豈可同日而語哉。

●本國事情

M生

一 長沙失守與恢復湘防問題

自湘東發生戰事以來。在湘北軍屢戰不利。始失祁耒。繼失寶慶。又繼失衡陽。衡山。以至退保株州。湘潭一帶。此六月七日以前之事也。湘督張敬堯所部。承守此路。亦始終望風崩潰。未及一戰。七八兩日間。張敬湯率第七師之精銳。即張敬堯之集中省垣附近。以保長沙。期決一血戰者。分三路進攻衡山。而一戰之結果。依然敗潰。據外人方面所得電訊。則謂七師兵卒。腰間圍以在湘所得現洋。臨戰之時。權現洋與子彈之輕重。乃棄槍。棄彈而紛紛潰退云云。雖未免言之過甚。而要之士無鬪志。實為不可隱飾之事實。湘督張敬堯。知大勢已去。乃作出亡之準備。六月十日一日之中。三電政府。一略稱據前方急報。駐甯鄉十一師。與駐湘潭安武軍皆不戰而退。駐易家灣各軍。紛紛後退。堯處孤掌難鳴。勢難扼守。若岳州援兵不能即到。省城朝夕難保。二略稱南軍節節進逼。前方軍隊已退至株州。應請速頒討代令。否則將堯立與罷免。入都待罪。三略稱行將率軍退出待罪。以求副大總統篤愛和平之意。蓋至是張敬堯已決心放棄長沙矣。十一日。南軍乘勝攻陷湘潭。張敬堯聞耗。即于是日午後三時。集合所部。退出省垣。開往岳州。在南兵未至以前。張氏即已出走。故十二日。南軍司令趙恒惕。率一混成旅之衆。直入長沙。絲毫未受抵抗云。

張敬堯頗有善戰之名。此次何以胞怯易敗若此。據申報批評。謂其因有二。其一。七師在湘日久。官兵囊橐皆充。已有千金之子。坐不垂堂之概。張亦先行移眷。並令裕湘銀行停兌。着着為自命明哲保身之預備。故不肯苦戰。而遇戰輒潰。其二。各客軍將帥。皆與張不相善。常作壁上觀。張迭次致電政府。不曰在湘北軍。專讓第七師不攻。即曰各客軍不戰先退。客軍之不肯竭力相助。似屬實情。張抱孤軍無援之感。其膽先怯。故遂望敵而

逃。其批評之當否，吾人無事論斷。而其第二因，則固張氏所主張甚力者也。張氏于十一日致電政府，報告長沙失守情形。內云：此次失敗原因，全在客軍節節退却。應敵者，祇堯所部而已。堯部殺傷盈野，死骸山積。客軍不動毫末，義憤之心。又云：此次戰事，西南認爲局部之戰，中央亦認爲局部之戰。故客軍亦皆認爲堯一人之私戰。堯以孤軍，四面受敵，其何能支。又云：此次吳軍之撤防，客軍之觀望，無非爲一督軍。堯待罪兩年，不能綏靖地方，保衛疆圉，請另簡賢員接替。俾堯得以解甲歸田。徐圖報効云云。張氏幾全以湘事失敗之咎，歸諸客軍之觀望不前矣。惟聞張宗昌、范國璋等，則又致電政府，謂退兵計劃，正係遵張督指揮。湘事失敗之責任，究應誰負。當非片言所可解決者也。

當湘督告急之電，一日數至。政府以正在竭力謀和，甚不願以一隅之爭鬪，牽動全局。故對於請頒討伐令者，終未之許。且以中央在湘兵力，不爲不厚。以之抵禦南軍，當綽有餘裕。故無派遣援軍之舉。除屢次嚴電廣州軍政府，要求切實禁阻譚軍行動外，對於湘督張敬堯，則課以守土之責。對於湘中其他各軍，則命其協力助張，勿懷觀望。長沙未失守前，政府曾致電張督，略謂：現湘省主客各軍，不下七八萬，何至遂無恢復能力。該督身膺疆寄，封守是其專責。若謂非援不濟，該督統率七八萬之衆，以當烏合之敵，有何待援之必要。若謂未奉討伐令，該督封守之內，縱無命令，豈能聽人侵越。着即確定反攻計畫，以圖恢復。爲該督之責成。倘再因循遺誤，中央亦不能曲假云云。其所以鼓勵督責之者，亦可謂至矣。盡矣。初不料張氏之未及一戰，遽行放棄長沙也。聞同時並電令各客軍將領，竭力援張。對於張宗昌全軍保守醴陵，將子彈輜重，運儲萍鄉之電，亦去電申斥。後復致一極嚴厲之電于各統兵長官，謂省垣危急，各客軍觀望不前，其意何居。着各該統兵長官，不分主客，奮力前進。軍法具在，宜各凜遵云云。然此電拍發不久，而長沙失守之耗，已傳至北京矣。

長沙失守之報告，達于政府。總統甚不以張督之擅離省垣爲然。加以褫職留任之處分。責其規復原防。茲錄

大總統令于左。

六月十三日大總統令 迭據湖南督軍兼署省長張敬堯等電呈。譚延闓所部乘直軍換防之際。先後侵占耒陽。祁陽安仁防線。並攻陷衡山。衡陽。寶慶等縣。遂由湘鄉。湘潭直逼省城。竊復進攻不已。我軍不得已退出長沙等語。查自七年十月停戰議和以來。湘省防線。曾經劃定。本極分明。久為中外所共見。此次譚延闓等乘機構釁。迭陷城邑。蓄謀破壞。事實昭然。該督軍有守土之責。自應力營防守。以固湘局。何得節節退縮。置原劃防區於不顧。又復擅離省垣。實屬咎有應得。張敬堯著即褫去本兼各職。暫行留任。仍責成督飭所有在湘各軍隊。迅速規復以防。倘再不知奮勉。貽誤地方。張敬堯不能當此重咎也。此令。

聞張氏得褫職留任處分後。當即致電政府。表示願為政府立功贖罪之意。略稱奉到電令。僅予褫職。甚感曲全。現在岳收容。已集合二萬。尚可一戰。當圖報復。惟京中各報載張十四日致政府一電。則又頗萌退志。略稱局部之戰之說。中于人心。牢不可破。此次客軍遇敵即退。牽動敬堯全部。一律退却。有土崩瓦解之勢。士氣既疲。難圖恢復。敬堯以久病之軀。何敢貪戀祿位。若一誤再誤。何能當此重咎。應請迅簡賢員。帶兵入湘。敬堯仍留行間。圖功自贖。張氏其殆鑑于前此之敗績纍纍。而不敢再赴前敵耶。

政府既褫張職。責其規復防地。復派王占元為兩湖巡閱使。吳光新為湖南檢閱使。令其協同張督。恢復湘防。王吳兩氏。得任命電亦各致電政府。力辭巡閱使與檢閱使之職。茲將電文照錄于左。

王占元電

大總統鈞鑒。恭讀六月十三日命令。特派占元為兩湖巡閱使。聞電之下。惶悚莫名。伏維我大總統軫念民生。顧全湘省。憫哀鴻之徧地。誰起瘡痍。念老馬之識途。可資鞭策。占元渥承殊遇。何敢畏難趨避。致負裁成。惟占元內省材能。外覽時局。有萬不能就者數端。謹為鈞座縷析陳之。占元自分朽庸。忝膺疆寄。屢以高牆深壁。伏莽宜防。武漢水陸要衝。已苦日不暇給。惟以治兵鄂渚。責有專歸。剿匪衛民。義難倭卸。以若兩省職任。萃於一人。既恐叢脞之貽羞。尤慮負乘之致寇。經經之性。萬不敢承。其不可一也。此次湖南肇禍。固由南軍越防進攻。惟據

西南來電，尙僅認爲局部問題。若以湖北督軍加以巡閱兩湖名義，是以無事省分，牽入漩渦。和議前途，懸生障礙。其不可一也。治軍之道，非事權統一，必無成功。即欲收拾湘局，既有湖南督軍負責，又新設檢閱使，協助辦理。若再以巡閱使臨之，則一國三公，統籌不易。十羊九牧，收效難期。雖將帥可協衷相商，而部隊已適從無所。其不可二也。曹使練達，尤爲公忠體國。前奉明令，經略四省。原有湖南在內。今再添設兩湖巡閱使，則名義既嫌重複，權限尤難劃分。床上施床，義果何取。其不可三也。凡此愚慮，悉本至誠。伏乞我大總統俯鑒下情，收回成命。臨電叩禱，無任主臣。湖北督軍王占元謹叩。

吳光新電。

恭讀六月十三日明令，特派光新爲湖南檢閱使。聞令之餘，惶悚無地。我大總統垂念湘民，特旋危局，發揚士氣，策及下愚，爲國家効驅馳，誠屬義無可辭。惟以駑駘，不堪任使。待罪江防，已虞覆餗。矧以久病之軀，心力不逮，何敢當此大任。貽誤戎機，且自長沙退守，岳州秩序紊亂，軍紀蕩然。因措置乖方，亦由餉需不繼，軍心渙散，督責無方。而况不才如新，其何以補救之。惟仰懇大總統收回使命，另簡賢能，以濟艱難，而維時局。國家幸甚。

聞政府對於王吳兩氏辭職，皆力爲慰留云。

長沙失守以來，某有力方面，主張速頒討代令，以懲南軍違約之罪。惟府院方面，頗持慎重態度。非南軍再由長沙北攻，當不致輕頒討伐令。表示與南方完全決裂，破壞垂成和局。而某督亦于日前，條陳政府，略請湘省亂事，雙方當軸，既認爲局部問題。雖不足以阻碍和局之進行。然長此對峙，亦非得計。莫若由政府致電兩中，雙方同時下令停戰，再推公正大員，赴湘調解，示以大義。或可收効等語。聞此議頗爲政府所嘉納。業已着手進行。此項計畫如告成功，則鋒鏑餘生之湘省人民，庶不致因恢復湘防問題，而重罹兵禍也。

一一 唐熊戰爭之因果

唐繼堯久欲統一雲貴川三省，鞏固自己後地盤。進而與中央謀和，以期事實問題之解決，自己得居有利地。

位。奈川人熊克武，自被廣州軍政府任命為四川都督以來，每欲擴充其勢力于全省，不受唐氏之節制。為唐氏勢力發展之障礙。唐氏亟欲去之，易以他人。會川省將校中，有與熊氏失和者，唐氏乃竭力慫恿之，使為倒熊之運動。而令在川之滇黔軍，竭力相助川滇黔聯軍司令部之組織，雖假名為聯合出兵，進取中原，實則唐氏不過欲用川軍將校失和，以遂行其驅熊之計畫已耳。唐熊二氏間之戰爭狀態，遂于四月三十日開始。是日川軍將領之宣布熊克武罪狀通電，與翌日唐繼堯之就三省聯軍總司令職通電，不啻唐氏對熊之宣戰布告。茲將二電錄左，以資參證。

川軍將領宣布熊克武罪狀通電

(街略)熊克武督川，已逾兩載，屢誤國家之大計，專便權利之私圖，貪詐是其本能，挑撥慝為政策。誠吾蜀之大愁，猶西南之內奸。惡跡昭著，罄竹難書。聊舉數端，共呈聰聽。丁巳之役，護國軍既下重慶，熊氏猶假馮國璋名義，竊取鎮守使位置，以便私圖。事後更潛通北口，信使往來不絕。所派和議代表劉光烈，竟乘和議停頓，私入北京，鑽營勾結，無所不至。報紙所載，醜聲播溢。軍府任命督川，私懷觀望，延不就職。即其既就，猶復通電徐錢，自取誚言，貽羞全國。罪一。西南以護法興師，自應始終貫徹，而熊氏屢電主張苟合，贊成取消國會。經龔煥辰等迭電指斥，不知自悔，猶借西藏問題，宣言不問南北，跡其所為，無異公然背叛。是以本年三月川滇黔軍事聯合會議決各案，迭電阻撓，力圖推翻。最近對於政學系與曹張李編結之五項辦法，又復去電贊同，居心寧復堪問。罪二。軍民分治以還，熊氏對於省長用人行政，干涉挾制，不遺餘力。甚至自違通令，將指撥政費之成都各局少數稅款，亦予佔提，竟使省內官廳學校，瀕於停廢。江防軍即水警之異名，與全省警備隊，皆向歸省長直轄，亦強令改隸督軍，以厚一己之勢力，而削省長之權威。其浸越政權，紊亂民治，至此而極。罪三。川中鹽稅、烟酒、常關造幣等款，皆係大宗收入。熊氏借口向解中央，並不交由財政機關經營。兩年以來，計其所入，不下五六千萬。一切賬目，從未公布。名為供給客軍及川邊餉項，實則概未發足。鉅款既被熊氏存握，遂至川軍餉項，萬分缺乏。甚至火食難繼，迫不得已，乃有向民間等借預征，以維現狀之事。年來軍政之不振，邊事之敗壞，財政之紊亂，匪風之猖獗，民生之困頓，主客軍之不能融洽，川滇黔軍之不能出兵，揆厥由來，皆熊氏貪權壟斷，有以致之。罪四。熊氏志在附北，不惜毀法，故凡主客各軍，素以護法討賊為職志者，悉認為妨害私圖，加以仇視。每藉

防地及編制問題、百端構煽。其賦使席正銘擾害黔軍。尤近事之最著者。觀所發吳東明護照暨川造十響手槍等件。足見其居心破壞。無惡不作。並謀昭然。寧容遁飾。罪五。熊氏附北毀法之素志。與政學系販賣西南之政策。適相符合。而主客各軍。周圍監視。志不得逞。則欲利用議會。偽造民意。徒以掩人耳目。遂其奸計。故不恤糜款十餘萬。收買議長。弄諸私人。道路喧傳。陰謀破露。各方詰責。置若罔聞。罪六。以上數端。皆其犖犖大者。究其原因。則自私與患失之念。蔽其良知。馴至悍然無所顧忌。西南不幸。產此元兇。救國初衷。何由能達。超湘等誠不忍聽熊氏以個人之背戾。禍全川而誤大局。不得已公同議決。先除障礙。以達聯軍北伐之目的。熊氏情見勢絀。乃通電辭職。以圖緩兵。一面詭為贊成。湊會議案。冀掩其平昔障得出兵。附北毀法之種種罪迹。更欲得軍府慰留及其私黨之擁護。借此留戀不去。不知軍府亦由國會產生。而國會則慎重構成。軍府之七總裁。中山、少川兩公。辭職於前。秩庸、悅卿兩公去位於後。唐聯帥又已撤回代表。則所謂政務會議。已不足法定人數。當然無發布任免命令之權。今熊氏向法律失效之機關辭職。欺蔽民聽。一弄法律。名實兩無所取。若其無貪川戀位之心。即不應為此掩耳盜鈴之計。此項辭職之電。以事實言。無由得合法機關之解決。以人格言。尤有先自履行去職之必要。超湘等認為熊氏通電辭職之日。即其督軍資格消滅之日。此後熊氏一切妄發之號令。及與任何人締結之契約。一律無效。惟國是日非。出兵在即。川軍乘逾八師。不可無所統率。現既未有合法機關之主持。熊氏又無再執行職務之理由。萬不得已。特由傅義成勳、青陽、德基、洪範、復生、師縉等公推呂超為川軍總司令。劉湘為川軍副司令。共勗其勉。抑讓衷。權攝軍政。川滇黔三省。現議聯合出兵。業經公推唐劉兩公為川滇黔聯軍總副司令。當茲軍政府政務會議。無形消滅之際。所有任免三省軍政長官之權。非聯帥莫屬。除聯名專電。籲請唐聯帥按照從前熊氏出總川軍成例。明令委任呂超劉湘為川軍總副司令。飭其即日就職。以奠川局。並勒令熊氏立即交代。聽候查辦。如敢違抗。即由滇川黔各軍。一致進討外。應請我護法諸公。力持正論。促熊省悟。俾免負隅自固。糜爛地方。川局幸甚。大局幸甚。謹電瀝陳。無任屏營待命之至。川軍第五師師長呂超、第二師師長劉湘、第三師師長向傳義、第四師師長劉成勳、第六師師長兼滇川黔靖國聯軍援陝第一路總司令石青陽、第七師師長兼滇川黔靖國聯軍援陝第二路總司令顏德基、第八師師長陳洪範、滇川黔靖國聯軍援鄂第一路總司令黃復生、副司令盧師誦同叩。附印。

唐繼堯劉顯世就川滇黔三省聯軍總副司令職通電

(銜略)據呂師長等養電。或以大局糾紛。出兵萬難再緩。根據三省軍事聯合會議原案。公推繼堯為聯軍總司令。顯世為聯軍副司令。亟請即日宣布就職。派員赴渝。設立聯軍總司令部。籌備出兵。并擬由各軍派員組織軍事委員會。以資贊襄各等語。披閱之餘。彌滋慙悚。竊念堯等。謬綜聯軍。於茲數稔。雖以救國為職志。未竟護法之初衷。茲得重被公推。敢不益加自勉。已分別派令顧總參謀長品珍。總司令文華。趕期赴渝。商同籌備一切。以慰殷望。至擬組織軍事委員會一節。關係亦極重要。一俟聯部成立後。即可次第實行。得各軍派員萃集一隅。從事討論調處。於三省軍事前途。裨益誠非淺鮮。抑尤有進者。方今世界潮流。莫不趨重於民本主義。即我西南護法與師。其最後目的。亦無非為求羣衆共同之福利。今三省雖一方面組設聯部。共謀出兵。而一方面於地方內政。尤須省自爲理。力圖修明。蓋聯部之設。其職責惟在統一軍事。計畫出師。一俟大局救定。立即宣布撤銷。故各省內政。即非聯部所宜過詢。甚望各省當局。澈底覺悟。迎納新機。發揮民治之精神。以鑿羣衆之心理。是尤堯等之所切祝。而願共相勗勉者也。藉布愚忱。即希亮察。川滇黔靖國軍總司令唐繼堯。副司令劉顯世。全印。

熊克武亦于五月二十一日發出向唐宣戰通電。並錄于左。

(銜略)竊克武與滇黔軍將領。多屬患難生死之交。不幸至以兵戎相見。干情甚可傷感。况川省疊經兵禍。民不聊生。更令境內淪為戰場。災黎暴骨原野。於心尤為慘痛。然如此慘痛傷感之事。終以無法避免者。其總因。則由雲南督軍唐繼堯。必欲憑恃武力。割據川滇黔三省。而與口口互市。以求遂其個人權位之私。其近因。則由駐川滇黔軍。奉唐命令。挑撥川省內亂未成。而逕向我川軍分道掩襲也。茲事顛末。未遑具陳。略述概要。以待國人之審決。自頃國變頻仍。川人慨先舉義師。首當大難。而凡滇黔客軍之越境來助者。又輒悉索所敵賦。資其軍實。於國於滇黔。誠無所負。乃數年之間。川人以捍禦國患。方救死扶傷不給。而滇黔轉因勢乘便。屢相浸伐。迄無寧日。自成渝以南。列縣數十。城郭里聚。水滸山崖。幾無非川滇黔軍士喋血析骸之所。往事已矣。尙復奚言。丁巳護法軍興。武時鎮守重慶。處境最難。既不忍國法淪亡。復不忍鄉土破敗。且以三省長此相攻。終無了局。滇黔同被其禍。西南亦已動搖。懷想萬端。肝腸百結。蓋幾經審慎。而後確信唯一辦法。當由川人自主。以謀三省親善。而定西南護法之局。經舉此意。商之各方。當得川省軍民贊同一致。宣布護法。而唐氏亦遂有川人治川之宣言。武時非不知唐氏之素蓄野心。潛包禍謀。特見其素遭挫敗。冀其私自懺悔。不謂兇頑成性。沉迷莫悟。自食宣言。肆行要挾。方武由渝

率軍西行，未至成都。唐氏即假聯軍名義，分設援陝、援鄂諸稱號，割裂川軍部隊，以張其勢。復要求克武交出重慶鎮守使本職，以授王文華。別設四川軍務會辦，以位趙又新。設叙瀘鎮守使，以昇顯品珍。設慶萬鎮守使，以昇葉荃。經武婉詞謝絕。而唐乃逕任王為重慶鎮守使。川人紛電抗爭。王始自辭。是後重慶會議，唐邀武為密談。至則王文華已先在。唐自袖出川滇黔三省同盟計畫書，列舉資餉、叙瀘、渝萬及自井榮威會理、遠西秀各屬川東南財富之區，悉作滇黔兩軍防地。僅以地面計算，已占全省三分之二。又指定鹽稅、關稅、煙酒等稅，概充聯軍軍餉。並成都兵工廠、造幣兩廠統歸聯軍管轄。支配書中，預定負責人名。在滇為唐，在黔為劉，在川為克武。而唐劉皆已簽押。於倉猝立談間，迫武簽字。又經武詳為解答，堅拒不允。同時唐復令川中援陝、援鄂各軍，為會聯盟。更令顧趙列席與議。決定某為師長，某為道尹，關監督。結約畫押。而以聯軍名義，訓令克武遵辦。似此毀法敗度、亂政浸權、滅絕信義、捐棄廉恥之事，談者猶將色變。而唐氏竟冒為之。其居心不過欲劫制克武，以巧奪川省軍政民政財政耳。克武之於滇黔，本無他意。故如防地久假不歸，協戶月數十萬，川人積不能平。而克武每為曲護，惟終不忍使用人百戰所爭之國法及獨立自主之人格，自我破壞。故於唐氏無理要求，不得不誓死拒絕。而唐放志縱欲，益復倒行逆施。漢中之戰，本由重慶會議議決，遵照軍政府出兵案，川軍出攻陝南。滇黔軍則對鄂西取攻勢防禦。以為犄角。迨及川軍北征，所向克捷。而唐僅命田鍾毅率軍千餘，留屯萬縣。故縱敵人專力陝南，陷川事於危險。又如川東煙案，克武派員查辦，已有端倪。唐忽電令會查，橫加干涉。致案懸不結，遺譏中外。雷馬屏夷匪猖獗，克武道軍兇剿。唐令滇軍移合抵抗，幾釀巨變。他如販運鴉片，濫行招安，惡積罪盈，擢髮難數。在唐氏尋覓思逞，不惜舉實斃軍士生命，拚作一擲。而克武為維持地方顧全大局計，輒復屈意含忍，徐冀轉圜。此心之苦，若何可說。近頃唐氏勾結口口，謀覆軍府。更愈肆無忌憚。雖東挫粵海，猶欲拓其西封。故遂明目張胆，離間我軍。挑撥我內亂。初尚疑為積憤于武一身，以為武去，則其稻植漸平。篠日通電辭職，謂可預弭兵禍也。乃軍府溫語慰留，各省各軍厚意勸勉。重以川中軍民殷勤責望，武雖不獲辭，而去志彌決。顧天未悔禍，為時數旬。先後破獲唐氏陰謀浸川之證據，積累盈寸。哀成卷帙。就中如唐氏四月馬日密電，亟促川軍聯銜通電，授以辭意。條別為四。尋查順慶發出之竊名陷電全文，正本於此。又細釋馬電第一條，不認克武再有統馭川軍之資格。第二條，公推川軍總司令。及第三條，聲明軍政府無任免之權。皆特為第四條，聲明川軍原隸靜國聯軍範圍。川軍長官，應由聯軍總司令任免一事而發。克武歷年所與唐氏堅持者，在此。唐氏所為傾覆軍府，挑撥軍省內亂者，亦在此。蓋川省除當依法受治於民國合法政府

外無論何時均應有完全自主之權。按軍政府組織大綱第十條特規定護法各省自主之政府職權仍在一語。亦為預防省與省間之爭議。而唐氏動藉聯軍為名。必舉全川政權。置之於作戰臨時所聯合組織之對外軍事機關統治之下。是直破敗國家法度。劍奪川人人格。克武義不當坐視。故於支日通電。繼續任職。然猶避辭自勵。不願追加攻討也。今唐竟僞任川軍總副司令。又命黔軍逐余鎮守使。佔據重慶。並乘農事方殷。下令駐川滇軍分道來相攻擊。其背謬如此。歷觀古今梟雄貪殘暴亂。於唐為甚。川中軍民咸憤不欲生。請張捷伐。克武於役革命垂二十餘年。雖甚異備。然迫不得已。終當親率義士。為鄉國除殘去穢。成敗利鈍。非所逆睹。是非曲直。自有公評。惟念川省迭經兵禍。黔滇軍將無辜就戮。此心之慘痛傷感。無復窮期。臨電雪涕。咽不成聲。熊克武叩馬。

茲將唐熊戰爭開始時。川滇黔各方在川之兵力及其駐紮地點。記於左。

甲、川軍、

第一師但懋辛。駐成都為熊之舊部。

第二師劉湘。駐合川。其兵力有一師一旅之衆。

第三師向傳義。駐德陽。

第四師劉成勳。駐新津。

第五師呂超。駐綿陽。雖名為一師。實有兵士萬五千人。

第六師石青陽。駐順慶。

第七師顏德基。駐綏定。

第八師陳洪範。駐嘉定。

江防軍三十營。歸重慶鎮守使余際唐統轄。亦熊之舊部也。

乙、滇軍、

顧品珍軍長部下一師分駐資州、瀘州。

趙又新軍長部下一師，朱旅在瀘州，胡旅在叙府。

華封歌指揮部下一旅，駐會理。

援鄂第一路司令黃復生部下一旅，駐重慶。

援鄂第一路副司令盧師諦部下一旅，駐重慶。

田梯團長部下一梯團，駐萬縣。

丙、黔軍。

王文華一師駐重慶。

在戰事發生之當初，唐繼堯頗覺勝算在握。蓋石青陽與顏德基二軍，與劉湘、呂超皆加入討熊貴州方面，劉顯世復派其弟顯潛率兵萬人為王文華援應。而滇軍又繼續出一師一旅，熊軍僅五師有奇，而倒熊軍倍之。兵力之強弱大相懸殊也。

討熊軍分三路。北路由盧師諦一旅，合石青陽部下湯子模一旅，顏德基部下鄭英之一旅，由射洪、潼川西進。呂超自綿陽下，與之會。合力以攻成都之北。顧品珍為南路。合趙又新軍，由資州北上，以攻成都之南。劉湘軍由安岳與會。田王黃之部下，則在川東掃蕩熊軍。余際唐之勢力，當北路者，熊氏僅有向氏一師，而倒熊軍則有三師左右。但劉二師，熊氏以禦南路者也。滇軍初戰時，雖僅有一師一旅，而有劉湘之助。及後路滇軍之接濟，亦強于滇軍。至東路，則勢更懸絕。不意既戰而後，形勢竟大出唐意料之外。顏德基不肯倒熊，唐乃命鄭英之代顏為師長。鄭旅雖西，顏部之半，不能為唐助。呂超為劉成勳，向傳義所運動，與熊氏會于德陽。熊氏親許以軍長，願供給軍械。並語以滇軍以川攻川，於中取利之毒計。謂前此倒劉，滇已得川南。此次若倒熊軍勝，則

川東復將入滇。而兵工廠亦且不保。然滇決不以得川東南自足。必以各種方法。竭力發展其勢力於全川。一割再割。川將盡入於滇。某願以督軍地位。與兵工廠相讓。決不忍令川地盡入於滇軍之掌握。呂爲所動。遂允助熊。劉湘亦爲劉成勳所勸。舍副司令。而願得熊所允與之川東地位。以保川東。故倒熊軍北路。漸不支。熊以一、四兩師當南路。而八師則南下攻叙府。叙府但有胡氏一旅。與戰于江邊。實力不敵川軍。遠甚。故屢戰皆失利。後得軍長顧品珍班師回滇之命令。遂放棄防地。而退却焉。顧品珍之兵。初本已至龍泉驛。復分兵攻仁壽。以牽制劉成勳之師。然自五月二十日以來。連戰皆北。至二十四而簡陽入。但懋辛之手。二十五日。得趙部朱旅之援。復簡陽。然劉湘之部下。有二千人在安陸。窺其後。而熊克武又擬以全力奪取簡陽。滇軍苟欲維持簡陽者。自非死守苦戰不可。滇軍子彈缺乏。既無力支持。而軍長顧品珍。又與唐繼堯。夙有芥蒂。自無爲唐死守之決心。乃定計不戰而退。並命令趙又新軍長所部。亦採取一致之行動。遂于五月二十八日。退出資陽。三十一日。又由資中退向富順。行將由顧氏統率駐川滇軍全體。逕回雲南云。顧氏且已於五月二十八日。通電宣告與唐繼堯脫離關係。其電文錄左。

（銜略）竊品珍自護國之役。提師入川。轉戰千里。前後五年。功績雖無可言。內省每滋惕懼。惟平日所持主義。概以國事爲前提。故護國靖國兩度用兵。悉本此扶持正誼之誠。不避險阻艱難之苦。所屬部曲。亦同此心。每次戰爭。皆以名正言順。得收極良結果。蓋陳師鞠旅。爲國而然。非爲一省一人權利之私。遂受操縱。苟利於國。蹈湯赴火。義所不辭。苟違手法。跬步之間。罔敢逾越。抱定此旨。悼恤其他。况以時局混沌。護法未終。吾輩眼光。遠宜與粵桂湘聯爲一氣。近宜固滇川黔唇齒之交。始足以全力對北。鞏固西南。乃今滇督唐公。不此之圖。轉相於伐。比來舉措失宜。遂至瑕瑜難掩。微諸近事。非所樂聞。因忌莫李而粵啓紛爭。推而營及軍府。因攻川督而蜀生內亂。近且見以兵戎。兄弟相煎。每每心痛。萃敵自樹。猶尙冥行。品珍與之爲患難深交。素稱摯友。自從執職。多隸指揮。每於所見之偏。恒進忠告之道。未蒙見納。釀禍至今。耿耿此心。終無所自。倘此時若再盲從。不出主持正義。必至伸張軍人驕橫之積習。有失西南護法之主旨。將國家有用之兵。轉爲個

人爭其權利者所得驅策。於國於川於滇皆無所裨。不僅有傷親善。為禍無窮。此所以懷特籌維。期遠助虐之嫌。以行扶義之實。甯負良友。不負國家。茲特宣言與唐告絕。僅佈腹心。伏希鑒察。願品珍有印。

余際唐受討熊軍之壓迫。棄職離渝。而劉湘亦為兵變故。失合川。迺相會于鄰水。復攻王文華。王與戰于江北。頗不利。乃入守重慶城。田梯團本攻梁山。聞重慶形勢變化。川二師背約。即西上援重慶。梁山江防軍從其後。擊之。雖連得墊江。酆都。長壽。而旋得旋失。劉湘復使邱翰臣要之長壽。大破之。田軍幾不成軍。邱遂南攻涪陵。復南下綦江。以斷黔軍歸路。王文華為黔第一師長。久欲借唐繼堯之力。取劉以代。劉顯世久引為憂。此次王氏親赴重慶。實欲見好于唐氏。而為得督之預備者。劉氏知之。世潛之兵二十營。雖名為作王聲援。而陰實監之。故視其敗而不之救。余際唐廣安之兵。復合劉湘部下共八千人。北攻順慶。石青陽以兵力單薄。乞援于黔軍。而黔軍無以應也。聞石青陽近見形勢之變化。知局勢之發展。不利于倒熊。亦將改變其態度。擬與熊軍聯合云。故唐繼堯在川之勢力。近來殆有一落千丈之概。其統一川滇黔三省之計畫。恐將成為畫餅矣。五月二十八日川軍六師長。曾有通電。否認唐劉為三省聯軍總副司令。錄於左。

（銜略）查川軍前以聯軍北伐。不可無統帥以司軍政。曾經推舉唐繼堯劉顯世為聯軍總副司令。以圖指揮之便利。藉弭侵略之野心。殊唐劉利令智昏。急欲破壞西南。征服四川。以與北庭互市。藉便私圖。既於成勳等支日通電聲明竊名後。委任川軍總副司令。以冀激成內鬩。漁利坐收。復以威力迫脅川滇黔各軍。逐我重慶鎮守使余際唐。竊據渝州。派遣軍隊。分道襲我。殘民以逞。仇視同胞。觀唐馬庚兩日密電。挑撥操縱。居心險毒。若任再司兵柄。恐吾川靡有孑遺。成勳等手執干戈。念切桑梓。誓不與此貪殘變詐之唐繼堯劉顯世共立於護法旗幟之下。深慮唐劉等猶假聯軍總副司令名義。借權惑衆。誤國誤川。特電否認。諸希鑒照。四川陸軍第四師長劉成勳。第三師長向傳義。第八師長陳洪範。第一師長但懋辛。第二師長劉湘。第五師長呂超叩有。

四川省議會與第二師長劉湘亦先後通電各處。聲討唐氏圖川之野心。川人對唐氏惡感之深可見矣。電文

如左。
四川省議會討唐通電

竊滇黔之於吾蜀，壤地毗接，休戚相關。協餉歲有常經，土著多吾故族。顧自民國以來，武人專權，罔識大體。謬拾帝國主義之說，倡為同胞自殘之行。辛亥之役，癸丑之役，丙辰丁巳之役，靡不投抵瑕隙，來相侵略。子女玉帛，恣其所求。焚掠姦淫，慘無人理。然吾蜀曲予含忍，棄怨急公。往者勿論，即此次護法軍興，川滇之師，方血戰於叙瀘之野。義聲一震，遂風從於旬日之間。戰攻則互為聲援，爭先致果。事定則延居堂奧，昭示無虞。竭秦豐之菁華，以為東道之供億。捐子遺之膏血，以為嘉賓之獻酬。誠信之情既孚，主客之見斯泯。獨有滇督唐繼堯者，器察無厭，始終叵測。不恤三省茶炭之苦，徒博一己巡閱之榮。大敵當前，而強索多官以張勢。主帥不問，而濫予司令以分權。兵燹將收，自私自國稅悉賴已據。越俎以要劫重職，喪恥無非市恩。拓防於東南奧區，砥礪行且及米。甚者雷馬夷匪為患，居然阻令進攻。禁烟國體所關，尚忍橫施干涉。而於夔門外寇，未嘗一矢加遺。猶復北伐背盟，坐使孤軍敗衄。凡斯悖德，更僕難終。聞者皆崩，言之髮指。近乃陽張益肆，戎首自甘，密電紛馳，潛陵內亂。流言間作，播惑軍心。假私會以立聯軍之名，行偽命以授司令之任。顧軍力諫而不足以回其意，熊督辭職而不足以快其心。必欲奪我渝城，襲我省會，開離我將領，脅逐我長官。我川人何罪於唐氏，而賈禍蒙羞，一至於此。查唐氏浮夸成習，穢惡彰聞。本無尺寸之功，幸竊風雲之會。護國之役，迫於蔡李之聲威。護法之師，原修羅戴之舊怨。西南各省，遂羣推為領袖之一人。彼昏不知，竟自忘其面目之有覲，出入警蹕，儼若帝天。將帥比肩，視如臣僕。嫉功戮舊，已離德而離心。庇匪種烟，更害民以害國。矧又背叛軍府，妄自稱尊。其厲民壞法，以便私圖，與袁氏何異。而淫昏過之，其災亂禍鄰，以爭伯主，與日本何異。而荒妄過之。果西南為護法救國而戰也。若唐氏者，匪特川省之罪人，宜為民國所其棄。吾蜀自三軍將士，以暨農商販夫，亦既人懷怨心，奮不顧命。大張捷伐，尅期剪除。所冀護法各省，一秉大公。川境諸軍，同伸正義。內以誅叛逆之誣賊，外以奠西南之大局。至於滇黔將士，本屬同仇。惟彼獨夫，實乃公敵。若能反戈仗義，顯為後援。苟猶助虐負隅，亦在不宥。順逆禍福，決於此時。本會代表川民聲罪致討，誠非得已。當荷矜同。四川省議會卅叩。

川軍第一師長劉湘討唐通電

界接滇黔，誼同休戚。輔車唇齒，未可背馳。苟除部落之私，各以國家為重。則西南大勢，早聽凱歌。南北問題，不難引解。祇以滇黔不明正義，

貽誤義師。日以併吞之計。陰肆野心。反持省界爲言。間執人口。而川人之不察者。如魚受餌。爲虎作倀。此拒彼迎。私勇公怯。名救國而實誤川。卒至沙散絲紛。不可收拾。比年以來。兵禍頻仍。民生凋敝。會垣之劫。灰未冷。南望則野災時聞。盜匪相乘。誅鋤未盡。以致四民失業。萬族同悲。誰實爲之。莫不曰滇黔之所貽也。湘師干忝。領捍衛是司。奉命馳驅。救擢寒暑。回首數年血戰。枵禁百感心摧。其所以冒死不辭者。實欲爲川軍爭一綫人格。爲川民留一線生機。愛國愛川之志。自問不後諸公。而區區之苦衷。當亦爲人所共諒也。嗣三省有聯軍出師之盟。吾川爲息事寧人起見。釋兵修好。共濟西南。滇黔果尊重盟約。自當以解除民困。愛護地方爲要。亟圖親善。相見以誠。始不負靖國護法之本旨。乃聯軍之來也。起居頹指。儼若帝王。氣箠憑凌。視同征服。其舊莊川中者。財賦與區。則悉爲盤踞。地方財產。則任其取携。甚至勒派民款。建築生祠。自以爲塗飾甚工。適彌彰欲蓋之跡。且僞言川人治川。絕不干涉。其實該軍餉項既有定額。撥提各地稅收。又復隨時巧取。總計收入之數。胥已倍蓰有餘。而川軍則庚發頻呼。人民則維掘已窮。至官吏之隨其委任。已成定例。更無待言。並以該省毒物。吸收吾川生銀。一入該軍防區。官膏滿地。民怨彌天。慘虐之情。不忍殫述。爲滇黔計。而謂如願相償。即當知足不辱。不圖割據未已。仍欲併吞。離間。類施暗圖破壞。喪者應旅之事。黔軍播弄。人所共聞。以主客之嫌。正謀消弭。忍未與較。食茶自甘。殊乘喧擾之秋。就爲煎迫之計。逆知重劍。雖共澤袍。而極其詭譎所至。實欲川被圍堵之名。彼取漁人之利。顧瞻前路。危險萬端。而湘處境之難。刀心之苦。逐難盡人而望。坐聽拳訪之來。不知石訖爲病狂。愛我者聞而太息。而殷殷顧全大局之念。總期化除釋怨。不忍重見兵戈。乃駐川黔軍日形橫暴。前江防軍倉皇出走。黔軍追擊。道出鄰水。該縣官吏。備極歡迎。而黔軍入城。毫無紀律。本師駐防長壽。兵團長邱華玉。由長赴鄰。忽被扣留。提取鎗枝。幸該團長機變有方。脫險而去。又將該縣徵收局長李流。驅逐出境。仍飭該員含忍。靜候解決。並飛電該軍長官。嚴東所部。勿受難端。殊據探報。黔軍已增加兵力。將向我軍襲擊。並圍渝城。黔軍藉檢查爲名。見有銀錢。即行攫去。各街柵欄。一律拆毀。消防器具。強爲沒收。並將銅元局機器。私運回黔。各商店錢舖。派兵監守。銀行局所。更無論矣。禁城內外。搶奪時間。重鎮精華。摧殘殆盡。似此暴戾。意欲何爲。萬衆皇皇。不知死所。口以該軍信使猶存。何竟暴動若此。乃有自渝逃難來者。紛紛赴部哭訴。情卽確鑿。不虛。聞之。泣然。如被矢石。所部將士。各有維桑之念。無不環甲請行。憤慨之忱。勢難遏制。竊滇黔肆毒吾川。擾亂大局。凡我川人。久經身受。無俟贅言。願忍痛至於今日。仍欲併吞川省。自固地盤。既已爲所欲爲。實屬忍無可忍。爰本護法救國之忱。略仿剿匪清鄉之舉。不辭艱險。涕泣出師。誓爲西南除此毒賊。諸公救國熱忱。夙欽高義。愛國職志。諒有同情。尙祈鑒照。苦衷。主持公論。使敵軍早知覺悟。翻然改圖。俾免子遺。再罹兵燹。川局大局。實攸賴之。謹此馳陳。盼候明教。四川陸軍第二師師長劉湘叩。

譯述

德意志共和國之研究

(譯中央公論六月號)

日生

德國何時始得恢復。並依如何形式而後能恢復。又新德意志共和國之命運果如何。凡此皆非但德意志一國之問題。實一饒有興味之世界的問題也。(中略)

德國自革命勃發民來。迄今已一年有半。其間雖尙未經過第二革命。(此爲革命史上之常態)然紛擾復紛擾。幾無甯日。

但潛心而觀之。則其政潮之起伏。已發現一定之趨勢。所謂一定之趨勢維何。即社會民主黨之失勢而反動

派與過激派之突起是矣。是故德國今日之狀態。實爲以社會民主黨爲中心之三政黨。反動各派與過激派

之三者鼎足分立。社會民主黨因與獨立社會黨有功於革命之故。得掌政權。其後獨立社會黨下野。則更與

中央黨及獨意志民主之希望革命而助其成功也。不過國民對於彼黨之行動。並未反對。惟守中立之態度

而已。當前年十一月德國崩壞之際。國民亟望講和以謀生活之改善。而社會民主黨則藉此機關謂「吾黨

以促進講和爲目的。使吾黨而得掌政權。則國民生活立刻可以改善。」由是國民之大多數遂信賴社會民

主黨而靜待其所爲。此即德國革命之真相也。由是言之。則德國之革命。非國民大多數之所爲。實兩社會黨

之所爲而已。然自社會民主黨執政以來。講和則誠已締結。而生活則仍未改善也。食物之缺乏。較諸戰時毫

無差異。且物價日日騰貴。比之戰前高至十五倍。即比之大戰當時亦高至十倍。而馬克價格低落。比之戰時

僅值十分之一。加以軍隊既已解散。而警察權不能行使。故秩序殊形混亂。凡此皆戰敗國所富受之痛苦。無

論如何聖君賢相與乎大政治家皆不能救濟者也。國民之所期待於社會民主黨者既如彼。而社會民主黨

之無能又如此。於是國民對於社會民主黨異常失望。甚至目之爲德意志國民之敵。當去年六月鮑愛爾內

閣成立之際。國民反對社會民主黨之勢益烈。自十一月興登堡元帥出現於柏林。而德國之社會狀態更陷於冬期困難之時代。政府已成國民怨恨之中心。直至本年三月反動革命勃發。社會民主黨遂借外國之力。乃僅得保其地位焉。

社會民主黨之失勢既如前述。此外所當研究者。即反動運動之進行與乎過激派勢力之消長是矣。反動派云者。乃由下列各團相合而成。

一、以盧典鐸夫元帥爲中心之舊普魯士將校團。

二、擁戴興登堡元帥之舊將校團。

三、慈爾畢一派之排英主義者。

四、國民黨民族黨等黨員。

五、大學生連。

以上各派。既乏統一的聯絡。亦無中心人物爲之指揮。彼等共同之目的。則專在推倒社會民主黨之中心政府。而謀君主立憲制是也。至於何人應爲君主。則彼等均無成見。忖彼等之意。則以爲現在之國步艱難。皆由社會民主黨之自由主義有以致之。苟能將社會民主黨推倒。頒行王政。採責任內閣制如英吉利之國體。則必足以救國家之危難也。加以是時國民之大多數對於現政府已生反感。故反動各派之勢遂得隆隆直上。與社會民主黨適成一反比例焉。

至於過激派則與反動派大異。蓋彼之所挾以攻擊政府者。謂其共和主義、民主主義、及國家社會政策過於溫和也。當德國革命之初。社會民主黨與獨立社會黨所發表之政綱彼此鬚鬚相等。所差者獨生產國有之程度耳。然自是以來。社會民主黨對於社會主義並未實行。而獨立社會黨則異常猛進。故自去年一月獨立

社會黨下野之後。彼此已成對敵。即事實上之政綱亦已全然差異。蓋一則採國家社會政策而一則採國際社會政策也。雖然獨立社會黨中亦有主張與社會民主黨相提携以爲掌握政權之手段者。此如雷德普爾及已故哈宰等之右派是矣。又有主張直接攫取政權與斯巴達黨爲一致之行動者。去年十一月該黨領袖大起更迭。過激分子康氏及杜米時氏等新握黨權。遂於萊普慈大會發表新政綱。宣言獨立社會黨斷乎實行社會主義。拒絕與現內閣相提携。且爲促進社會主義起見。應採國際間之橫斷運動云。換言之。即聲明獨立社會黨歸向馬克司。爲德國唯一之社會主義黨也。是故該黨除少數黨員之外。已愈趨愈左。到底不能與政府融合。而與斯巴達黨尙有接近之可能性也。

斯巴達團不外爲俄國過激派之分身。當德國革命之初。斯巴達團之大多數人皆與獨立社會黨取一致之行動。竭力破壞舊帝政。迨至十一月九日兩社會黨之六人委員既經成立。而斯巴達團則未嘗參加之。遂決然下野。自是以來。拒絕與政府黨提携。其敵視政府態度。較諸獨立社會黨尤甚。其宗旨則共產主義也。至其手段。則主張實行無產階級之獨裁政治。換言之。即勞動者之專制政治是矣。彼等主張超越國家之領域而謀國際勞動者之提携。雖認有組織軍隊以爲手段之必要。但祇限於由勞動者所編成之赤衛軍。其財政經濟政策亦由社會主義之範圍進而謀共產主義。關於此層。亦與獨立社會黨不能一致。祇關於推倒現內閣之手段。則與獨立社會黨全耳。

彼以社會民主黨爲中心之政府。最初即以斯巴達團爲敵而傾全力以壓迫之。於是乃有去年一月及三月之柏林騷擾。然斯巴達團每經一次之騷擾。則其勢力即失墜一次。延至去年秋間。幾陷於完全失敗之悲境。武器雖多而彈藥缺如。由俄國寄來之軍資又不接續。於是幾至束手待斃。迨於本年三月。反動運動之變起。政府對於斯巴達團不得不稍緩壓迫。不惟默視彼等之橫行毫不干涉。且利用之以牽制反動派焉。以是之

故。斯巴達團之勢力復盛。竟至在德國設立勞農政府矣。

邇者聯合國既決定援助社會民主黨。故斯巴達團之勢力復見凋落。然其潛勢力則到底非能滅絕者。該團之登錄黨員雖僅得三萬五千人。但個個皆爲主義而結合。是故俄國縱能變普魯士之天下。而德國則到底不能變除斯巴達黨也。斯巴達團之勢力雖少。且自德國國民性觀之。固未必受過激化而變成斯巴達團之天下。然苟非有重大變故。或有新政治上之條件出現。則斯巴達團必至依然成爲一種勢力。殘存於德意志國內。可斷言也。

今日德意志共和國既成三派鼎立之勢。故無論自何方面觀之。皆可見其不自然之基礎。且就國家存立而論。亦不可謂非不安定之基礎也。試分別言之如下。第一。則革命後之德國。雖已由帝制政治一變而爲政黨政治。然其所謂政黨政治者。決非理論上之政黨政治也。何以言之。彼以社會民主黨爲中心之現政府。所以得掌政權者。實由該黨議員多數之結果。蓋當去年一同憲法制定國民議會總選舉之際。全體議員四百二十一名。社會民主黨占百六十三名。中央黨九十二名。獨立民主黨七十五名。故社會民主黨之得勝。實當然之理也。至於今日爲在野右黨之國民民族兩黨。左黨之獨立社會黨。不但與政府之政策不同。即關於國體、論政體、論亦與政府不合。此其所以別於其他政黨政治之國也。換辭言之。則在野黨對於去年八月十一日所發布之共和憲法均不承認。故苟保守黨或過激黨得掌政權。則必將憲法改正。又關於講和條約及其實施。政府黨雖表面上曾聲明有實施之誠意。而右黨則於去年六月在議會討論和約之際。即謂此項條約不能實行。故大倡反對之議。即獨立社會黨以國際主義之見解。於去年六月曾主張簽訂和約之說。然彼等對於和約之內容全然反對。夫講和條約爲德外交政策之根本。苟政府一朝變動。則其外交政策亦必根本改變。關於此點。亦與其他政黨政治之國不同也。又自形式上論之。則承認德意志共和國者。祇有選出政府

黨之二千三百八萬九千九百九十三人。此種議論雖甚奇特。然即就實際除上觀之。則國民之中。尙多傾於反動運動。加以傳染過激思想之人。其數雖少。而其信念則甚深也。要之德意志國民之大多數。既非現行制度之謳歌者。亦非共和國之讚美者。惟國民議會既經解散。則六月六日當依新憲法而選舉德意志議會議員。據一般人觀察。則總選舉必仍歸政府黨三黨之多數云。雖然社會民主黨已非常失勢。縱得多數。亦非容易。或竟至不能得多數。亦未可料也。又依新憲法所定。則國家之主權。由霍漢阿爾王家委諸國民全體之手。但所謂國民全體者。不過虛有其名。而事實上則主權蓋歸社會民主黨之掌握。而社會民主黨之背景爲猶太人。猶太人以多年之苦境。一旦得踐榮位。其歡欣舞蹈之情狀。可以想見。然彼既未得多數國民形式上之後援。亦未博得實際上之同情。徒橫行闊步以期維持此毫無基礎之政府。此安得謂非不自然不安定耶。



一九三九年
五月廿六日
亞細亞

民國九年六月二十一日出版
 第二十七期
 每月發行三次

亞 洲 文 明 協 會 出 版 物

售 價

一册	一角
每月	三角
三月	八角
半年	一五
全年	二元八角
不另取郵費	

廣 告 價 目

每 期	每 頁	每 期
五元	每 期	三元
十二元	每 期	八元
廿元	每 期	四十元

編 輯 者

亞 洲 文 明 協 會

北京宣武門外大街路東門牌一九九號

電 話 南 局 五 百 九 十 三 號

發 行 所

國 內 各 大 書 坊

印 刷 所

明 明 印 刷 局

北京香柵胡同電話南局三子二百六十六號

